

A MIN'ITY ANDRO ITY NO TANTERAKA IZANY SORATRA IZANY

 Mijanòna mitsangana fotsiny, raha sitrakareo, raha mbola manondrika ny lohantsika ho an'ny tenim-bavaka iray isika.

² Ray An-danitra malala, mankasitraka izahay izao hariva izao ho an'ity, fanararaotra iray hafa hahatongavana sy hanatrehana an'ity Filazantsaran'i Jesosy Kristy be voninahitra, mahafinaritra ity. Misaotra Anao izahay fa mbola mijanona ho tsy miova Izzy omaly, anio, ary mandrakizay. Misaotra Anao izahay ny amin'ireto vahoaka ireto izay miangona eto amin'ny fotoan'ity toetr'andro mangatsiaka ity, ary mbola miaraka amin'ny fiandrasany lehibe, mijery, mino fa hisy zavatra manokana homena anay avy amin'Andriamanitra. Tonga miaraka amin'izany fanantenana izany izahay, Tompo, amin'ny fivoriana rehetra. Misaotra Anao izahay ho an'ireo fotoana, ny hariva talohan'ny farany, tao amin'ny tabernakla; misaotra Anao nohon'ny fotoana teto omaly hariva, sy nohon'ny fotoana androany ato amin'ny tabernakla. Manantena izahay ankehitriny an'izay Hanananao ho anay izao hariva izao.

³ Ray, fantatray fa ny olona tsirairay izay afaka manetsika ny tànany dia afaka mamadika an'ireo pejin'ny Baiboly, fa Anankiray ihany No afaka manao Azy ho velona sy tena misy, ary Ianao izany. Ary, Ray, miandry Anao hanao an'izany izahay izao hariva izao. Tahio amin'ny fomba rehetra izahay. Tena feno hafaliana ny fonay raha mahita ny fotoana manatona izahay izay hihalonanay Aminy, mifanatrika, ilay Anankiray izay notiavinay sy nivelo manay nandrity'reo taona rehetra ireo.

⁴ Niova fo vaovao maro, Tompo, no efavita. Azoko fa vahoaka betsaka, efapolo na dimampolo, no hatao batisa amin'Ny Anaranao, amin'ny maraina, avy tamin'ny fotoana omaly hariva. O Andriamanitra, manohiza azafady, mivavaka izahay, mandrapahitan'ny Voan'Andriamanitra voafidy mialoha rehetra ny Hazavan'ny Filazantsara, ka tafiditra ao am-bala.

⁵ Mangataka Anao izahay mba hanafina anay ao ambadiky ny Teny izao hariva izao; ajambao amin'ireo zavatr'izao tontolo izao izahay, ary avelao hahita an'i Jesosy. Enga anie hisy fahatsapana iray an'ny Tendrombohitra Fiovan-tarehy eo anivonay, izao hariva izao, mba tsy ahitanay olona afa-tsy Jesosy irery ihany. Mangataka an'izany amin'Ny Anaranay izahay, sy ho an'ny Voninahiny ary fanamarinana iray an'Ny Filazantsarany. Amena.

Afaka mipetraka ianareo.

⁶ Hamadika fotsiny an'ity fanamafisam-peo ity aho, na ity latabatra ity, amin'ity ilany kely ity fotsiny, raha mety tsara izany, mba ahafahako mahita ny lafiny roa an'ny mpanatrika. Ataoko fa afaka mametraka an'ireto fanamafisam-peo ireto eto mihitsy aho. Eny àry, vetivety fotsiny.

⁷ Miarahaba izahay, avy eto amin'ny toera-malalaka lehibe izao hariva izao, an'ireo sakainanay any Arizona, California, Texas, ary manerana ny Etazonia, amin'ny alàlan'ny telefona. Ity, ity dia mandeha manerana ny firenena, ity fotoana ity izao hariva izao, amin'ny alàlan'ny telefona, noho izany matoky isika fa hitahy antsika Andriamanitra.

⁸ Afaka mandre ve ianareo, ery aoriana ery ao amin'ilay—ilay toera-malalaka amin'ny ankavia? Eny àry, hanamarina an'ilay fomba fiasan'ny telefona izy ireo ankehitriny, mba hahita raha tena miasa tsara izany.

⁹ Faly ve ny olona rehetra izao hariva izao? [Hoy ny fiangonana hoe, “Amena.”—Mpand.] Hono ho’aho, tsara izany! Amin'ity ilany ity? [“Amena.”] Amen. Tena faly aho mahita fa mipetraka mahazo aina tsara ianareo rehetra.

¹⁰ Ary ankehitriny rahampitso hariva, raha mitohy mitombo ny olona, dia hivantana amin'ny telefona ihany koa izy ireo. Izany izy izao hariva izao. Heveriko fa any amin'ny tabernakla any ny sasany amin'izy ireo.

¹¹ Ary, rahampitso maraina, dia tsy mety hatao ao amin'ny tabernakla ireo fotoana, nohon'ny... hisy mpivaroboninkazo any handravaka ny fiangonana ho an'ny mariazy iray rahampitso tolakandro. Dia nafindran'izy ireo ny—ny fotoana, amin'ny maraina, ho any amin'ny fiangonan-dRahalahy Ruddell, iray amin'ireo mpiara-miasa aminay, ka any amin'ny—ny lèlalalalaka eto, 62. Efa nolazaina ve izany? [Hoy Rahalahy Neville hoe, “Eny.”—Mpand.] Efa nolazaina izany. Koa, raha tsy antonona any, dia haka ny sisa izahay ka handefa mpitoriteny hafa anankiray ho any amin'ny an-dRahalahy Junior Jackson, any Clarksville. Ny antony anaovanay azy any amin'ny an-dRahalahy Ruddell, dia akaiky eto izany, ary izahay dia afaka... fa nihevitra izahay hoe afaka hahita an'izany mora foana ianareo. Ary hikarakara an'izany amin'ny fomba iray izahay avy eo. Koa aoka hahazo antoka hanao an'ireo batisa rehetra ireo ho an'ny rahampitso, sady manantena aho fa hisy zato hafa iray na roa hanampy an'ireo ho an'ny batisa rahampitso. Ary ankehitriny rahampitso hariva...

¹² Tsy tiako mihitsy ny milaza zavatra ho resahaha aminareo alohan'ny fotoana, fa indray hariva ao amin'ny fotoana, na indray andro, dia te-hiresaka aho eo amin'ny lohahevitra hoe: *Iza Io Melkizedeka Io?* Satria, izany dia—dia lohahevitra iray izay heveriko fa miaina ao amin'ny fotoan'ireo fanambarana ireo

isika, izay nisian'ny fanontaniana nandritr'ilay taona, hoe, "Iza io Lehilahy io?" Ary mino aho fa Andriamanitra no manana ny valiny hoe, Iza Izzy. Ny sasany nanao hoe, "asam-pisoronana iray," ny sasany nanao hoe, "mpanjaka iray," ny sasany . . . Fa tsy maintsy misy . . .

¹³ Raha mbola misy foana ny fanontaniana iray, dia tsy maintsy misy valiny iray ho an'io fanontaniana io, izay marina. Tsy mety hisy fanontaniana iray raha tsy misy valiny iray aloha.

¹⁴ Ankehitriny, matoky isika fa hanome antsika fitahiana iray izao hariva izao avy ao amin'Ny Teniny Andriamanitra, raha mamaky an'Izany isika.

¹⁵ Ary ianareo dia efa nanana . . . Niteny tamiko i Billy mba hiteny aminareo hoe ianareo dia azo antoka fa nanana fiaraha-miasa tsara tamin'ny olona teto izay tao amin'ny fomba fametrahana fiara, ny polisy sy ny zavatra rehetra. Tohizo izany; izany dia tena, tena tsara.

¹⁶ Manantena isika ny hahita an'ilay fotoana, angamba amin'ny ho avy tsy ho ela, izay hahafahantsika hitondra an'ilay tranolay eto amin'ny tanana ka hametraka an'izany eto ao amin'ny fanaovam-baolina, izay hahafahantsika hijanona mandritry ny fotoana elaela, angamba mandritry ny telo na efatra herinandro, fifohazana, tsy an-kitsahatra. Fa zara aza isika eto raha afaka mifankahafantatra, ary avy eo tsy maintsy mifanao veloma ary lasa indray. Fa tiako ny ho tonga ka hijanona amin'ny dia lava iray, fotoana iray izay hahafahanareo mijanona ka tsy voatery hamarana ao anatin'ny hariva iray na roa isika, fa hijanona fotsiny ary hampianatra, andro aman'alina, andro aman'alina, mitohy ary mitohy. Angamba handeha hody ny olona iray ka hamahana an'ireo akoho, hitery an'ireo ombivavy, dia hiverina indray ny herinandro manarakava ary manohy miaraka amin'ilay fotoana. Izaho—izaho dia tia an'izany. Noho izany homba anareo anie ny Tompo.

¹⁷ Ankehitriny, alohan'ny hialako, angamba amin'ny Alahady maraina na Alahady hariva, na indray andro, iray amin'ireto fotoana ireto, fantatro fa ianareo rehetra dia miandry ny handre an'ilay Hafatra ny amin'ny Fahamarinana mikasika ny *Fanambadiana Sy Fisaraham-panambadiana*, izay iray amin'ireo olana lehibe an'ilay andro. Ary azoko antoka mihitsy tahaka ahy mitsangana eto, mino aho fa ao amin'ny Tenin'Andriamanitra ilay valiny marina, ary mino aho fa ho an'izany no nampantanenaiko hiverina.

¹⁸ Ary ataoko, amin'ny fahafantarako, araky ny fantattro, fa te-hanana fotoana hafa iray aho eto Jeffersonville, ny Alahadin'ny Paska, ka isika dia . . . ho an'ny fotoan'ny fiposahan'ny masoandro, ary avy eo ny Alahadin'ny Paska. Noho izany holazainay mialoha izany ka hiezaka angamba hahazo an'ilay toera-malalaka, raha azo atao, na any ho any, ho an'ny

Alahady, angamba ho tonga ny Sabotsy sy Alahady. Tsy maintsy handeha fiara-manidina mandroso sy miverina, satria izany dia akaikin'ilay fotoana... Tsy maintsy manamarina an'izany aho, aloha, miaraka amin'ireo fandaharam-potoana izay ananako, sy ny iray amin'ny—ny—ny diako any California. Ary avy eo, aorian'izany avy hatrany, dia tsy maintsy mandeha any—any Afrika aho. Noho izany mifandraisa tsy tapaka ary mivavaha ho anay.

¹⁹ Ankehitriny, izao hariva izao, dia te-hiantso ny fifantohanareo aho ho eo amin'ny ampahany iray an'ny Tenin'Andriamanitra, izay hita ao amin'ny toko faha-4-n'ny Masindahy Lioka. Ny toko faha-4 ary ny andininy faha-16, no hanombohana azy, Jesosy no miteny.

...Amin'ity andro ity no tanteraka eo amin'ny sofinareo izany Teny izany.

²⁰ Ankehitriny isika te-hisintona, avy amin'Izany, fehin-kevitra iray ny amin'ny hoe dynamika toy ny ahoana ny Tenin'Andriamanitra! Ankehitriny, dia afaka mahazo an-tsaina an'ireo mekanika isika rehetra, fa mila an'ireo Dynamika izany hanao Azy hiasa.

²¹ Afaka mahazo an-tsaina an'ireo mekanikan'ny milina isika, ny fiara, fa mila ny dynamika izany avy eo hanao an'ireo kodiarana hiasa sy hihetsika.

²² Ankehitriny, niverina Jesosy nankany—nankany Nazareta, izay nitaizana Azy. Eo amin'ny Soratra eto ambany eto, dia hitantsika fa hoy izy ireo hoe, “Nandre Anao nanao an’izao-sy-izao izahay tany Kapernaomy. Avelao izahay ankehitriny hahita Anao hanao an'izany eto amin'ny Taninao Manokana.”

²³ Hoy Jesosy hoe, “Ny—ny mpaminany iray dia tsy mba tsy ho hajaina afa-tsy ao amin'ny taniny manokana.” Ary, mazava ho azy, ao amin'izay nitaizana anareo izany, ary eo amin'ny olona izay mahafantatra anareo. Ary teo Izy no nahazo ny—ny—ny anaran-dratsy iray, teo am-panombohana, noho Izy teraka tsy nanana ray avy eto an-tany. Niantso Azy izy ireo hoe “zazasary iray,” fa bevohoka tokoa i Maria talohan’ny nanambadiany, tamin’ny fomba ofisialey, an’i Josefa. Saingy, tsy izany ilay izy, fantatsika fa tsy izany ilay izy.

²⁴ Ary eo amin'ity Soratra ity, ny nanao ahy hampifantoka ny masoko teo amin'ity, dia zavatra iray izay nitranga vao tsy ela mihitsy tany Phoenix, Arizona. Izany dia ilay andro farany, an'ny fotoana izay tsy maintsy nitenenako tao amin'ny International Convention of the Full Gospel Business Men.

²⁵ Ary nisy mpitsidika iray niaraka taminay tao amin'io favoriana io, izay eveka Katolika iray, izay avy—izay avy amin'ny “Chaldean Rites of the Apostolic Catholic church; ny Most Rev. John S. Stanley, O.S.D.” Izy dia “ny arsevekan’ny tanan-

dehiben'ny Etazonia," ao amin'ny fiangonana Katolika. *Ity* no natao ho ny karany sy ny—sy ny adiresiny.

²⁶ Fa mpitsidika iray niaraka tamin'ny Christian Business Men izy, ary nahita azy tany aho, ny omalin'io. Koa rehefa niresaka aho ny Sabotsy hariva, mino aho fa izay ilay izy, na Sabotsy maraina tao amin'ilay sakafo maraina, ary izaho...Raha niresaka aho, dia tsy nijanona nandinika ahy izy. Nieritreritra aho hoe, "Tsy manaiky ny zavatra rehetra izay lazaiko tokoa io lehilahy io." Ary, fantatrareo, ianareo dia afaka—ianareo dia afaka nahita azy mihitsy; tsy nijanona nanao ny lohany miakatra-sy-midina izy, saingy tsy fantatro hoe inona marina tokoa no niasa teo aminy.

²⁷ Noho izany ny Alahady tolakandro, rehefa nitsangana aho mba hiresaka, nandeha naka ny lahateniko teo amin'*Ireo Fahararium-Piterahana*, izay nilazan'i Jesosy, hoe, "Tahaka ny vehivavy iray mihetsi-jaza," mihetsi-jaza ao amin'ny fiterahana izy. Ary noho izany nandeha hiresaka avy tamin'io aho, hoe, *Ireo Fahararium-Piterahana*, ilay lohahevitra, nilaza fa ao amin'ny fahararium-piterahana izao tontolo izao ankehitriny. Tsy maintsy miala ilay taloha, mba hahafahan'ilay vaovao ho teraka; tahaka ny—ny voa iray fotsiny izay tsy maintsy lò, mba hanome aina vaovao.

²⁸ Ary ahoana fa ireo faharariana, ireo fahararium-piterahana no mamely an'izao tontolo izao! Tamin'ny Ady Lehibe Voalohany, dia nanana faharariana mafy iray izy, satria nanana an'ireo entona misy poizina izy ireo, sy ny sisa, izay saiky afaka nandrava an'izao tontolo izao. Ary tamin'ny Ady Lehibe Faharoa, dia nahazo iray hafa izy, faharariana mafimafy kokoa; nanana an'ireo vongana goavana izy ireo, ary baomba atomika iray ihany koa. Tsy afaka hahatanty fahararium-pihetsehan-jaza hafa anankiray izy. Miaraka amin'ireo bala afomanga sy ny sisa amin'izao andro izao, ady anankiray amboniny dia hanipy azy eny amin'ny habakabaka, satria hiteraka izy ankehitriny. Ary hisy tany vaovao iray. Ny Baiboly no nilaza fa hisy izany.

²⁹ Teo ambanin'ny Hafatry ny mpaminany tsirairay, dia nanana fahararium-piterahana iray Isiraelly, satria tonga teo amin'ny sehatra taorian'ny nitondran'ireo teolojiana sy mpitondra fivavahana ny fiangonana rehetra tao amin'ny endrika rafipandaminana anankiray ireo mpaminany ireo. Ary rehefa tonga teo amin'ny sehatra ireo mpaminany ireo niaraka tamin'ny HOY NY TOMPO HOE, dia nanozongozona an'ireo fiangonana ireo izy ireo, ary nanana fahararium-piterahana iray izy. Farany, nanana an'ireo fahararium-piterahana mihitsy izy mandrapiterahany Zanaky ny Filazantsara iray, izay ny Teny Izy tenany tonga nofo.

³⁰ Noho izany ny fiangonana izao hariva izao dia ao amin'ireo fahararium-piterahana tokoa, indray, ho an'ny fiterahana

an'ilay Zanaka, Zanak'Andriamanitra mba ho tonga indray. Ireo teololianintsika rehetra, ireo rafitra antsika rehetra, ireo anaram-piangonantsika rehetra, dia lò mihitsy ao ambanintsika. Noho izany ao amin'ny fahararium-piterahana isika, ary manipy foana ny fiangonana ao amin'ny faharariana mavesatra ny Hafatra iray avy amin'Andriamanitra, fa afaka kelikely dia hiteraka Ampakarina iray izy. Izany no hitondra an'i Jesosy Kristy ho eo amin'Ny Ampakariny.

³¹ Ary, tamin'izay fotoana izay, nihevitra aho fa tsy nanaiky ahy betsaka mihitsy io lehilahy io. Rehefa nitsangana hiresaka an'io Hafatra io aho, dia namadika ny Baiboliko, mba hahita an'ilay pejy.

³² Ary vao avy nomen'ny vadiko Baiboly iray vaovao aho, ho an'ny Krismasy. Efa ho dimy ambin'ny folo taona ny Baiboliko taloha, ary efa saiky rovitra potipotika ilay zavatra. Ireo pejy, isaky ny manokatra azy aho, dia niendaka niala taminy. Ary, fa fantatro mihitsy hoe aiza no ahitana ny Soratra rehetra, noho izany nandinika tsara an'io Baiboly io aho. Ary nalaiko fotsiny ilay anankiray vaovao, satria toy ny tena rovidrovittra ilay iray hafa, raha handeha any am-piangonana miaraka amin'izany.

³³ Ary rehefa nanomboka namadika tao amin'ny Masindahy Jaona aho, izay nahitana an'ilay Soratra, dia nanomboka namaky ny toko faha-16, ary tsy tao ilay andininy izay notadiaviko. Noho izany nieritreritra aho hoe, "Hafahafa!" Namadika indray aho; mbola tsy tao foana ilay izy.

³⁴ Ary Rahalahy Jack Moore, avy any Shreveport, Louisiana, sakaizako akaiky iray, nipetraka teo izy. Hoy aho hoe, "Rahalahy Jack, tsy hita ao amin'ny Masindahy Jaona 16 ve izany?"

Hoy izy hoe, "Eny."

³⁵ Ary nitsangana niala tamin'ny sezany io pretra Katolika io, avy teo amin'ireo mpitonдра fivavahana teo amin'ny zato teo nipetraka teny amin'ny lampihazo; nanatona nanakaiky ahy izy, niaraka tamin'ireo akanjony rehetra sy ireo rebareba ary ireo lakroa, sy ny sisa, ary tonga teo akaikiko mihitsy. Dia hoy izy hoe, "Anaka, miorena tsara. Efa hihetsika Andriamanitra."

Nieritreritra aho hoe, "Eveka Katolika iray ve hiteny an'izany amiko?"

Hoy izy hoe, "Vakio avy ato amin'ny Bokiko izany."

³⁶ Dia namaky an'ilay Soratra avy tao amin'ny Bokiny aho, ary naka ny lahateniko ka nanohy, nitory ny toriteniko.

³⁷ Avy eo, rehefa nahavita aho, dia nitsangana izy rehefa lasa aho, ka nanao hoe, "Misy zavatra iray tsy maintsy hitranga. Aorian'izany, dia tsy maintsy miala avy ao amin'ny loto izay misy azy ny fiangonana, na tsy maintsy miala avy ao amin'ny loto izay misy ny fiangonana isika." Noho izany, ny iray na ilay hafa.

³⁸ Ary teny amin'ny lèlako nandeha nody aho, niverina nankany Tucson, tamin'io hariva io. Nitaky mofo misy hena ireo ankizy, dia nianona aho mba hividy mofo misy hena tao amin'ny fivarotana kely iray. Ary hoy ny vadiko hoe, "Bill, tsy mbola tena nikorontan-tsaina mihitsy aho teo amin'ny fiainako rehetra, ny nahita anao nitsangana tany namadibadika an'io Baiboly io." Hoy izy, "Tsy nanao anao hikorontan-tsaina ve izany?"

³⁹ Hoy aho hoe, "Tsia." Hoy aho hoe, "Fantatro fa tao ilay izy tany ho any. Tsy nanana an'ilay pejy fotsiny izy ireo tao anatiny. Tsy voaprinty ilay izy."

⁴⁰ Dia hoy izy hoe, "Ny mieritreritra, fa izaho no nividy anao an'io Baiboly io! Toy ny hoe taty amiko avokoa ny maso rehetra tany."

⁴¹ Dia hoy aho hoe, "Eny, tsy nisy azonao natao tamin'izany. Tsy voaprinty tao amin'ilay Baiboly izany." Hoy aho hoe, "Tsy nataon'izy ireo fotsiny tao anatiny mihitsy ilay pejy."

⁴² Eny, nandeha aho ary njery an'ilay izy indray, tena tanteraka arak'izay naха-izy azy; saingy ilay toko faha-16 dia mifarana, ny ampahany, ilay ampahan'izany dia eo amin'ny telo inches avy eo amin'ilay ambany, ny toko faha-17 eo amin'ilay ilany hafa, dia manao an'ilay zavatra iray ihany. Ary, satria Baiboly iray vaovao, dia niara-niraikitra tanteraka ireo pejy roa ireo, ka namaky avy teo amin'ny toko faha-17 aho raha tokony ho ny faha-16. "Eny," hoy aho, "tsara daholo izany. Ho an'ny antony iray izany."

⁴³ Ary mazava mihitsy tahaka ny andrenesanareo ny feo rehetra, no nahatongavan'ny Feo iray tamiko, ka nanao hoe, "Niditra tao Nazareta Izy, teo amin'izay nitaizana Azy; dia niditra tao amin'ny synagoga, araka ny Fanaony. Koa nomen'ny mpisorona Azy ny Soratra ho vakiana, ka namaky ny Isaia 61 Izy. Ary rehefa namaky ny Soratra Izy, dia nipetraka Izy; namerina ny Baiboly tamin'ilay mpisorona, ilay Boky, dia nipetraka. Fa tany Aminy ny mason'ny fiangonana rehetra. Ary nivoaka ny Vavany ireo Teny sarobidy. Ka hoy Izy hoe, 'Amin'ity andro ity no tanteraka izany Soratra izany'"

"Amin'ity andro ity no tanteraka izany Soratra izany."

⁴⁴ Mahitsy toy ny ahoana ny Soratra! Raha hahamarika an'izany ianareo ao amin'ny Isaia 61:1 hatramin'ny 2, tao no novakian'ny Tompontsika, Isaia 61:1 hatramin'ny 2. Fa teo afovoan'ny andininy faha-2 an'ny Isaia 61, dia nianona Izy. Teo amin'izay nilazana hoe, "Ny Fanahin'ny Tompo no eo Amiko; mba history ny taona ankasitrahana," nianona Izy avy eo. Nahoana? Ilay ampahany hafa, hitondra ny fitsarana, dia tsy nampiharina tamin'ny Fihaviany voalohany, fa amin'ny Fihaviany faharoa. Hitanareo, tsy nampiharina teo izany. Toy ny ahoana no tsy anaovan'ny Soratra fahadisoana iray mihitsy! Tanteraka foana izy ireo. Nianona teo amin'izay nianonan'ny Soratra mihitsy Jesosy, satria izany marina tokoa no tsy

maintsy ho voamarina tamin'ny Androny, ankehitriny, tao amin'io fihaviana voalohany io. Amin'ny Fihaviana faharoa no Hitondrany fitsarana eto ambonin'ny tany; fa tsy tamin'io fotoana io. Izy dia "tsy maintsy hitory ny taona ankasitrahana."

⁴⁵ Mariho ilay Mesia nitsangana teo amin'ny lampihazo, mba hanondro ny Tenany tamin'ny Tenin'ny teny fikasana ho an'io taona io. Hafahafa toy ny ahoana, ilay Mesia nitsangana teo anoloan'ny fiangonana! Ary jereo ireo Teny sarobidy, rehefa hoy Izy eto hoe, "Hitory ny taona ankasitrahana."

⁴⁶ "Ny taona ankasitrahana," araka ny fantatsika rehetra, amin'ny maha-mpamaky Baiboly, dia "ny taon-jobily." Izany, rehefa ireo andevo sy gadra rehetra, satria izany izy ireo, nalaina, tranomaizina; ary tsy maintsy nanome zanakalahy iray, handoavana ny trova; na zanakavavy iray, handoavana ny trova, [Elanelana tsy voaraki-peo—Mpand.] ary tao anatin'ny fanandevalozana izy ireo. Tsy mampaninona na hafiriana izy ireo no tao amin'ny fanandevalozana, na hafiriana izy ireo no natao hijanona tao; rehefa tonga ilay taona, na ilay jobily, rehefa mitsoka ny trompetra, dia afaka nandeha malalaka ny olona rehetra raha tiany ny handeha malalaka. [Elanelana tsy voaraki—peo.] Afaka ianareo. Tsy andevo intsony ianareo.

⁴⁷ Fa raha tianareo ny hijanona ho andevo iray, amin'izay fotoana izay tsy maintsy nentina tany amin'ny tempoly ianareo, nijoro teo akaikin'ny andrin'ny tempoly, dia naka haolo iray izy ireo ka nandoaka lavaka iray teo amin'ny sofinareo, ary amin'izay fotoana izay dia tsy maintsy nanompo an'io tompon'andevo io ianareo amin'ny andronareo sisa.

⁴⁸ Ohatra iray tanteraka toy ny inona izany ny amin'ny Filazantsaran'i Jesosy Kristy! Rehefa voatory Izany, ilay fotoana ankasitrahana, sy ilay fotoan'ny Jobily; ny olona rehetra, tsy mampaninona na iza ianareo na iza, na inona lokonareo, na inona anaram-piangonana ikambananareo, na hatraiza no niondrehanareo tao anatin'ny ota, na inona no tsy mety aminareo; afaka mandeha malalaka ianareo rehefa renareo mitsoka ny trompetran'ny Filazantsara. Afaka ianareo!

⁴⁹ Fa raha manatodika ny lamosinareo amin'ny Hafatra ianareo ka mandà ny handre an'Izany, mariho, dia voalavaka eo amin'ny sofinareo ianareo, miaraka amin'ny haolo iray. Ny dikan'izany, mba hilazana, fa niampita ny tsipika teo anelanelan'ny fahasoavana sy fitsarana ianareo, ary tsy handre intsony indray ny Filazantsara. Tsy ho lasa lavitra intsony ianareo. Tsy maintsy andevo iray ao amin'ilay rafitra izay misy anareo ianareo, amin'ny andronareo sisa, raha mandà ny handre an'ilay taona ankasitrahana.

⁵⁰ Ankehitriny, ilay ampahany hafa amin'izany, araka ny nolazaiko, dia tsy mila ho valiana, satria io Mesia ho avy io, ny fotoana iray ankehitriny, dia rehefa hitondra ny fitsarana Izy.

⁵¹ Ankehitriny, ahoana no nahafahan'ireo olona ireo ho tena diso tamin'ny fahitana hoe Iza Izy? Ahoana no tena nahadiso azy ireo an'izany? Ahoana no nampety an'izany, nefà nampahafantarina mazava ilay izy ary voaseho? Ahoana no tena nahadiso azy ireo tsy nahita? Nefà Izy...

⁵² Teny iray toy ny inona! Eritrero izany, "Amin'ity andro ity no tanteraka eo anoloan'ny masonareo izany Soratra izany." Iza no nilaza an'izany? Andriamanitra Izy tenany, Izay mpandika Ny Teniny Manokana. "Amin'ity andro ity no tanteraka izany Soratra izany." Ny Mesia, Izay tenany, izay nitsangana teo amin'ny fanatrehan'ilay fiangonana ka namaky Teny iray avy tao amin'ny Baiboly, izay mikasika ny Tenany, ary avy eo nilaza hoe, "Androany no tanteraka izany Soratra izany," nefà dia mbola diso tamin'ny fahitana an'Izany foana izy ireo.

⁵³ Ho loza toy ny inona izany, saingy nitranga ilay izy. Nitranga imbetsaka izany. Ahoana no nahafahany nitranga? Mazava ho azy, tahaka ny nataony tamin'ireo fotoana hafa, tamin'ny alàlan'ny finoana ny fandikan'olona ny Teny. Izany no niteraka an'ilay izy. Ireo mpino tamin'ireo andro ireo, mody antsoina hoe mpino, dia nandray ny fandikana izay nolazain'ny mpisorona mikasika ny Soratra. Noho izany Jesosy, tsy nikambana tamin'ny iray tamin'ireo laharany na ireo fikambanany, voaroaka avy tao amin'ny fihavanant'izy ireo Izy.

⁵⁴ Ary, noho izany, tsy afaka nanondro Azy niaraka taminy izy ireo, satria hafa tamin'izy ireo Izy. Ilay Vatan-tenan'i Jesosy Kristy dia tena manokana hany ka tsy tokony hisy olona iray ho diso tamin'ny fahitana fa izany no Zanak'Andriamanitra, satria Izzy no fanondroana tanteraka ny Soratra izay nanoratana Azy.

⁵⁵ Izany no fomba hahafantarana ny Kristiana rehetra, rehefa manondro an'ireo tena zavatra izay nasaina nataon'ny Kristiana ny fainany.

⁵⁶ Ahoana no Nahafahany nitsangana teo ka nanao hoe, "Amin'ity andro ity no tanteraka mihitsy eo anoloan'ny masonareo izany Soratra izany!" Manaitra toy ny ahoana, tena mazava toy ny ahoana, kanefa dia tsy nahazo ireo olona ireo. Nahoana? Satria nandray ny fandikan'ny laharam-pisorona iray izay nohenoiny izy ireo.

⁵⁷ Fa miverina foana ny tantara. Ary manana dikany iray mifangaro ho an'Izany ny Soratra, sy fanambarana iray mifangaro.

⁵⁸ Ohatra, tahaka ny voalaza ao amin'ny Baiboly, hoe, "Niantso ny zanako nivoaka avy tany Egypta aho," manondro an'i Jesosy. Jereo ilay marika kely eo amin'izany, dia ho hitanareo, fa manondro an'i Jakoba ihany koa, Soratra iray ihany. Jesosy no Zanany Lehibe kokoa. Jakoba no Zanany izay Nantsoiny hivoaka avy tany Egypta, izay nomen'ny fanoroana Scofield sy ireo fanoroana hafa rehetra ho an'izany, satria izany no Soratra

izay nanoroana azy. Koa izany dia nanana ny—ny dikany roa; nanana valiny iray izany ho an'i Jakoba nantsoina hivoaka, ary ho an'i Jesosy nantsoina hivoaka.

⁵⁹ Dia toy izany koa amin'izao andro izao! Satria ao anatin'ny fifanjevoana iray tahaka an'izany no misy antsika, ka diso amin'ny fahitana ny Fahamarinan'Andriamanitra ny olona, satria be loatra ireo fandikana ny Tenin'Andriamanitra nataon'olona. Tsy mila olona handika Ny Teniny Andriamanitra. Izy no Mpandika teniny Manokana.

⁶⁰ Nilaza Andriamanitra, tany amin'ny voalohany hoe, "Aoka hisy mazava," dia nisy mazava. Tsy mila fandikana iray izany.

⁶¹ Hoy Izy hoe, "Hanan-anaka ny virijiny," dia nanana izy. Tsy mila fandikana mihitsy izany.

⁶² Rehefa... Ny fandikan'Andriamanitra Ny Teniny dia rehefa manamarina sy manaporofo Azy ho toy izany Izy. Izany no Fandikany, amin'ny fanaovana azy hiseho. Eo no misy ny fandikan'Andriamanitra, dia rehefa manao Ny Teniny hiseho Izy. Eo am-pandikana an'Izany aminareo Izy.

⁶³ Ohatra hoe raha tsy nisy mazava mihitsy teo, nefo hoy Izy hoe, "Aoka hisy mazava," dia nisy teo, tsy mila olona handika izany.

⁶⁴ Fa manao an'ireo rafitra nataon'olona hifangaro amin'Izany isika, ary, rehefa manao ianareo, ianareo—ianareo dia manao Azy ho any ivelan'ny faritra. Ilay izy dia tahaka an'izany foana.

⁶⁵ Fa mbola mieritreritra foana aho hoe tsy maintsy ho nahavariana toy ny ahoana ilay izy. Eritrereto izany, ilay Mesia! Nahoana izy ireo no diso tamin'ny fahitana Azy? Satria, ireo tena mpitarika azy ireo izay tokony ho nahafantatra Azy, izay tokony ho tafiditra tsara tao amin'ny Soratra, izay tokony ho nahazo ny Soratra, no nanambany an'io Lehilahy io ka nanao hoe, "Zazasary Izy, eo—eo am-panombohana. Tsy hino an'Izany izahay."

⁶⁶ Taona maro taty aoriana, dia tsy mino an'izany isika. Ho faty ho an'ilay tanjona isika mba hilaza fa Zanaka nateraky ny virijiny Izy.

⁶⁷ Ary izao no hiseho indray andro any hoe, ireo tena zavatra izay hitantsika ataon'i Jehovah amin'izao andro izao, ireo lehilahy ao amin'ireo taona izay ho avy, raha misy izany, dia ho faty amin'ilay zavatra izay resahantsika amin'izao andro izao. Tsy maintsy hanao an'izany ianareo rehefa tonga ny mariky ny bibidia, ary tsy avela hitory ny Filazantsara tahaka an'izao. Rehefa tonga miaraka ny firaism-pianganana lehibe, izay mandeha tsara ankehitriny ho an'ny fianganana manerantany, dia tsy maintsy manisy tombokase ny fanambaranareo amin'ny fiainanareo manokana ianareo, ho an'Ity.

⁶⁸ Tsy maintsy mino an'Izany ianareo ankehitriny. Raha afaka nitsangana ireo mpisorona ireo, izay nanameloka Azy, dia tsy ho nanameloka Azy izy ireo. "Fa," hoy ianareo, "raha izaho no tany, dia ho nanao *an'izao-sy-izao* aho." Eny, tsy taonanareo izany. Fa, izao no taonanareo, izao ilay fotoana.

Hoy ianareo hoe, "Eny, raha teto Izy!"

⁶⁹ Hoy ny Baiboly hoe, "Izy no tsy miova omaly, anio, ary mandrakizay," tsy miova, noho izany dia eto Izy. Fa, eto Izy. Satria nandroso izao tontolo izao, lasa niha-nalaza, ary nampianarina betsaka; eto Izy ao amin'ny endrika Fanahy, izay tsy azon'izy ireo vonoina na atao ho faty. Efa maty indray mandeha Izy; tsy afaka ny ho faty indray Izy. Tsy maintsy natao tonga nofo Izy mba hanaovana an'Andriamanitra ho faty ao amin'ny nofo, nohon'ny ota. Fa tsy afaka ho faty intsony Izy amin'izao fotoana izao; ny Fanahy Masina Izany.

⁷⁰ Ankehitriny, ahoana no hieritreretana fa nanana an'ireo zavatra ireo hanoherana Azy izy ireo! Zavatra hafa anankiray, hoe Izy dia tsy nikambana tamin'ny iray tamin'ireo laharan'izy ireo. Noho izany, hitanareo, mbola nanao Azy ho olona ratsy iray izany. Izy tsy nikambana tamin'ireo—ireo rafi-pandaminany, tsy nikambana tamin'ireo asam-pisoronany, ary tsy nanao na inona na inona tamin'izany Izy. Ary avy eo, ankoatr'izany rehetra izany, dia niezaka namotika an'izay naorin'izy ireo Izy.

⁷¹ Niditra tao amin'ny tempoly Izy. Isika dia miantso Azy ho Lehilahy malemy fanahy iray; izany Izy, saingy tsy azontsika matetika hoe inona ny fahalemem-panahy.

⁷² Lehilahin'ny fangoraham-po Izy, kanefa isika indraindray diso amin'ny fahazoana hoe inona ny fangoraham-po. Tsy fangoraham'olombelona, tsy izany no fangoraham-po. Fa, ny *fangoraham-po* dia "manao ny sitrapon'Andriamanitra."

⁷³ Nandalo teo amin'ny dobon'i—i Betesda Izy, ilay vavahady. Ny vahoaka nandry teo, marobe tamin'izy ireo. Ny marobe dia tsy tambo isaina. Fa marobe no nandry teo; kilemaina, jamba, mandringa, malemy. Ary nanana fangoraham-po teo amin'ny olona Izy, isan'andro. Ary nandeha teo amin'ny olona anankiray Izy izay tsy kilemaina, jamba, mandringa, na malemy; angamba tratry ny aretin'ny prostaty, angamba tratry ny kilema kely izay naharitra izy. Valo amby telopolo taona no nananany an'izany. Tsy nanelingelina azy izany, tsy namono azy. Nandry teo ambonin'ny fandriana iray izy. Ary hoy Izy hoe, "Te-ho sitrana ve ianao?"

⁷⁴ Ary hoy ilay lehilahy hoe, "Tsy manana olona hametraka ahy ao anatin'ny rano aho, fa rehefa avy aho, eny, dia misy olona mandeha eo alohako." Hitانareo, afaka nandeha izy, afaka nahita, afaka nandeha manodidina izy, saingy nalemy fotsiny.

⁷⁵ Dia hoy Jesosy taminy, “Mitsangàna. Ento ny fandrianao ary mandehana any an-tranonao.” Ary nanontaniana teo amin’izany Jesosy, fa tsaroanareo hoe nilaza an’izany ny Soratra.

⁷⁶ Tsy mahagaga! Raha tonga eto Jeffersonville Izy izao hariva izao ka manao fihetsika iray tahaka an’izany, dia mbola hiresaka ny Aminy foana izy ireo.

⁷⁷ Fa, tsarovy, tonga hanao zavatra anankiray Izy, dia ny sitrapon’Andriamanitra. Ankehitriny, izany dia hita ao amin’ny Masindahy Jaona 5:19, ho azonareo ny valiny. Hoy Izy hoe, “Marina tokoa, marina tokoa, Lazaiko aminareo, tsy mahazo manao na inona na inona amin’ny Tenany ny Zanaka; fa izay Hitany atao’n’ny Ray, dia izany no atao’n’ny Zanaka.”

⁷⁸ Ankehitriny, tokony ho nahafantatra izy ireo fa izany no tena fanamarinana ny faminanian’i Mosesy hoe, “Fa ny Tompo Andriamanitrareo no hanangana Mpaminany iray tahaka ahy.”

⁷⁹ Efa voamarikareo ve, rehefa nahita an’ilay lehilahy Izy, nilaza Izy... Fantatr’i Jesosy fa efa tao amin’io toerana io nandritry ny taona maro izy. Hitanyareo, satria Mpaminany iray, dia Hitany tao amin’izany toerana izany io lehilahy io; ary nandeha teo ka nitady—nitady ny Lèlany nandalo teo amin’ireo olona ireo, nandeha miadana nandalo an’ilay vahoaka, mandra-Pahitany an’io lehilahy iray io.

⁸⁰ Nandalo teo akaikin’ny kilemaina, mandringa, jamba, ary malemy, kanefa Lehilahy iray feno fangoraham-po. Fa, ny *fangoraham-po* dia “manao ny sitrapon’Andriamanitra.”

⁸¹ Ankehitriny, hitantsika Izy, satria tsy nikambana tamin’izy ireo Izy, tsy nanana na inona na inona natao tao amin’ireo laharany Izy, noho izany voaroaka iray Izy. Tsy nanana mihitsy Izy...

⁸² Ankoatr’izany, dia niditra tao amin’ny tempoly Izy indray andro. Niditra tao ny Lehilahy iray ka nahita ny tranon’Andriamanitra saiky voaloto mihitsy tahaka azy amin’izao andro izao. Nividy izy ireo, nivarotra, nanakalo vola. Ary Nazerany ireo latabatry ny vola; naka tady ka nandrindrana azy ireo, ary nikapoka an’ireo mpanakalo vola hivoaka ny tempoly. Ary njery azy ireo tamin’ny fahatezerana, ka nanao hoe, “Voasoratra hoe,” haleloia, “Ny tranon’Ny Raiko dia trano fivavahana; nefà ianareo nanao azy ho zohin’ny mpangalatra. Ary ianareo, miaraka amin’ny fombafombanareo, dia nanao ny didin’Andriamanitra ho tsy misy fiantraikany.”

⁸³ Oh, mba afaka hino Azy ve ny andiany iray tahaka an’izany? Tsia, tompoko. Efa tena kisoa nihosona loatra tao amin’ny fotaky ny fikambanana sy ny loton’ilay andro izy ireo, hany ka tena nangatsiaka ara-pivavahana hany izy ireo ka tsy afaka nahatsapa an’ireo fihovitrovity ny Herin’Andriamanitra Tsitoha. Tsy mahagaga raha afaka nikasika ny Akanjony ilay vehivavy kely ka sitrana tamin’ny alàlan’Izany; nefà miaramila

mamo iray no afaka nandrora teo amin'ny Tavany ka tsy nahatsapa hery! Izany dia miankina amin'ny hoe ahoana no anatonanareo Azy. Izany dia miankina amin'izay tadiavinareo. Rehefa mandeha any am-piagonana ianareo, dia miankina amin'izay tadiavinareo izany.

⁸⁴ Ankehitriny hitantsika Izy nitsangana teo. Tsy isalasalana fa efa nampitandrina azy ny olona, nampitandrina... nampitandrina ny olona ny mpisorona hoe, "Ankehitriny ho tonga eto Izy amin'ny Sabata manaraka, ary, rehefa tonga Izy, dia aza mihaino Azy ianareo. Ankehitriny, afaka tonga ianareo ka mipetraka eto, fa aza miraharaha an'izay Lazainy, satria tsy mikambana amin'ny vondrantsika Izy. Voaroaka iray Izy. Tsy manana kara-piombonana Izy. Izy aza tsy manana akory rafipandam-... taratasin'ny rafi-pandaminana iray miaraka aminy. Tsy manana na inona na inona tahaka an'izany Izy."

"Inona Izy?"

⁸⁵ "Tovolahy jiolahimboto iray izay teraka teto, fahaterahana tsy ara-dalàna, tao an-tranon'ny mpandrafitra iray, ka bevohoka Azy ny reny iray talohan'ny nivadian'izy ireo, ary niezaka nanafina an'ilay zavatra izy ireo tamin'ny zavatra ivelan'ny voajanahary iray.

⁸⁶ "Fantatsika fa, rehefa tonga ny Mesia, dia hidina amin'ireo lalantsaran'ny Lanitra Izy ary handeha hankeo amin'ny mpisoronabe antsika ka hanao hoe, 'Inty Aho, ry Kaifa.'" Saingy hitantsika fa tsy tahaka an'izany no Nanaovany azy, satria tsy tahaka an'izany no voasoratra ao amin'ny Teny. Fombafomba iray nataon'olona no nanao azy ireo hino an'izany.

⁸⁷ Ny Teny no nilaza fa ho tonga amin'ny fomba Ahatongavany mihitsy Izy. Ary nitsangana teo Izy, namaky ny Teny, ka nilaza tamin'izy ireo hoe, "Amin'ity andro ity no tanteraka eo imasonareo izany Soratra izany." Nefa dia mbola diso tamin'ny fahitana Azy izy ireo na tsy nahafantatra Azy, tahaka ny nataon'izy ireo tao amin'ny taona hafa rehetra.

⁸⁸ Afaka nilaza an'ilay zavatra iray ihany i Noa, tamin'ny andro izay nidirany tao amin'ny sambofiara ka nikatona ny varavarana. Afaka nampiakatra an'io varavarankely teo antampon'ny sambofiara io i Mosesy, njery tany ivelany teo amin'ilay fiangonana... Tsarovy, fa Andriamanitra no nanidy an'ilay varavarana. Ary afaka nilaza izy hoe, "Amin'ity andro ity no tanteraka eo imasonareo izany Soratra izany," saingy tara loatra izany ho azy ireo tamin'io fotoana io. Efa nitory teny roapolo amby zato taona izy, niezaka ny hampidittra azy ireo tao anatin'io sambo izay naoriny io, niteny tamin'izy ireo fa ny Soratra no nilaza hoe, "HOY NY TOMPO HOE, ho avy ny orana," saingy niandry ela loatra izy ireo. Fa afaka nilaza mora mihitsy i Noa hoe, "Androany, amin'ity andro ity, no tanteraka ilay Soratra."

⁸⁹ Mosesy, ny andro izay nidinan'ilay Andry Afo teo amin'ny Tendrombohitra Sinay mihitsy ka nijoro vavolombelona ho an'ny fanambarany, afaka nilaza i Mosesy hoe, "Amin'ity andro ity no tanteraka izany Soratra izany."

⁹⁰ Mosesy, fantatrareo, dia lehilahy anankiray nantsoin'Andriamanitra, mpaminany iray. Ary rehefa voaantsio izy, satria mpaminany iray, dia tsy maintsy nanana fahatsapana iray ivelan'ny voajanahary izy. Mba ho mpaminany iray, dia tsy maintsy nihaona tamin'Andriamanitra nifanatrika izy ary niresaka Taminy. Ary zavatra hafa iray, izay nolazainy dia tsy maintsy niseho, raha tsy izany tsy hisy anankiray hino azy.

⁹¹ Noho izany tsy misy olona manana zò hiantso ny tenany ho izany raha tsy efa niresaka nifanatrika tamin'Andriamanitra izy, tany ambadiky ny tany efitra iray tany ho any, izay nihaonany tamin'Andriamanitra, ny tenany. Ary ireo ateista rehetra eto amin'izao tontolo izao dia tsy afaka hanazava an'izany mba hampiodina azy; teo izy, fantany fa nitranga izany. Tokony banana an'izany fahatsapana izany ny Kristiana rehetra alohan'ny ilazan'izy ireo zavatra iray mikasika ny maha-Kristiana iray. Ny fahatsapanareo manokana!

⁹² Niresaka tamin'ny zana-drahalahiko aho, vao tsy ela izay, zazalahy Katolika kely iray, izay nanao hoe, "Dadatoa Bill, nandeha avy teo amin'ny andry iray aho nankeo amin'ny tsato-kazo, nandeha hatraiza hatraiza, niezaka hahita zavatra iray." Isan-kariva, talohan'ny nanombohan'ity favoriana ity, dia nitomany izy. Ary tamin'ny alina, dia nanonofy nofy iray izy ny amin'ny nidirany, nihazakazaka nankeo amin'ny alitara, izay nitoriako teny, ary nanao fiaikena iray fa diso izy.

⁹³ Hoy aho hoe, "Melvin, tsy mampaninona na aiza no ezahanao haleha, fiangonana firy no hikambananao, firy ny 'Arahaba ry Maria,' lazainao, na tso-drano firy no azonao avy amin'ny olona, tsy maintsy hateraka indray avy amin'ny Fanahin'Andriamanitra ianao. Izany no zavatra tokana izay hahafa-po ny fon'olombelona."

⁹⁴ Izany dia, fantatro fa manana solo iray izy ireo, amin'izao andro izao, ny amin'ny hoe nateraka indray, mandray tànana ny mpitory teny fotsiny ary mametraka ny anaranareo eo amin'ilay boky. Fa, ry sakaiza, dogma iray izany. Tsy izany no Fahamarinana ara-Baiboly. Raha izany no izy, ny Asan'ny Apostoly, ao amin'ny toko faha-2, dia tsy maintsy ho vakiana tahaka an'izao hoe, "Rehefa tena tonga ny Andron'ny Pentekosta, dia nivoaka ilay pasitera ka nandray tànana ny olona."

⁹⁵ Fa voalaza hoe, "Rehefa tena tonga ny Andron'ny Pentekosta," tamin'ny fitokanana ny Fiangonana, "dia tonga ny feo iray avy tany An-danitra toy ny rivotra mahery nifofofofo, ary nameno ny trano rehetra izay nipetrahan'izy ireo izany."

Tahaka an'izany no nahatongavan'ny Fanahy Masina voalohany. Tahaka an'izany no Ahatongavany amin'ny fotoana rehetra hatramin'io fotoana io. Andriamanitra Izzy, ary tsy miova. Ankehitriny, mahatafintohina ny olona Izany.

Hoy izy ireo hoe, “Ho an’ny andro hafa iray izany.”

⁹⁶ Eny, Izzy no tsy miova omaly, anio, ary mandrakizay. Isaky ny mba mandray ny Fanahy Masina ny Fianganana, dia tonga tahaka ny Nataony tamin’ny voalohany foana Izany, eo ambanin’ny fitsipika iray ihany, Asa 2:38; tsy niova mihitsy, tsy hiova mihitsy.

⁹⁷ Tahaka ny taratasim-panafodin’ny dokotera ho an’ny aretina iray. Hanoratra taratasim-panafody ho an’ny aretina iray izy, manoratra ny dokotera. Fa ento mankany amin’ny mpivaro-panafody sandoka iray izany, ary hasiany fanefitra be loatra ao anatiny, tena malemy izany ka tsy hahavita soa anareo; raha mametraka poizina be loatra ao anatin’izany izy, dia hamono anareo. Tsy maintsy voasoratra arak’ilay dokotera mihitsy izany.

⁹⁸ Ary ny taratasim-panafodin’ny dokotera ny amin’ny hoe ahoana no handraisana ny Fanahy Masina dia nomena antsika tamin’ny alàlan’ny Dokotera Simona Petera, tamin’ny Andron’ny Pentekosta. “Hanome anareo taratasim-panafody iray aho. Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho famelana ny fahotana, ary ianareo handray ny fanomezan’ny Fanahy Masina. Fa ny taratasim-panafody dia ho an’ireo izay lavitra, ary arak’izay hantsoin’ny Tompo Andriamanitsika.” Ilay taratasim-panafody Mandrakizay!

⁹⁹ Nanana an’io fahatsapana io i Mosesy. Nandeha nankany amin’ilay firenena izy ka nanomboka niteny tamin’ny olona hoe, “Nihaona tamin’ny Andry Afo iray aho. Tao anatin’ny roimemy mirehitra Izany. Ary niteny tamiko Izzy mba hiteny aminareo hoe, ‘IZAHO IZAY IZY. Mandehana; homba anao Aho. Ento ilay tehina eny an-tànanaao ary atsangano eo ambonin’i Egypta izany; na inona na inona angatahanao, dia hatao izany.”

Eny, nilaza angamba ny mpisorona iray hoe, “Hadalana!”

¹⁰⁰ Fa rehefa nahita an’ireo tena zava-nisy an’izany izy ireo, nandray, niseho, dia tsy afaka nihazona azy ela intsony. Fantatr’izy ireo fa nirahin’Andriamanitra izy.

¹⁰¹ Noho izany, raha nilaza i Mosesy fa nahita an’izany, ka nanamarina azy ho ny Fahamarinana, amin’izay fotoana izay dia voatery Andriamanitra, raha izany no Fahamarinana, ny hanondro ary hanamarina ny tenin’io lehilahy io, ny Fahamarinana. Marina izany.

¹⁰² Raha nitsangana teo Jesosy Kristy ka namaky, tamin’io andro io hoe, “Amin’ity andro ity no tanteraka eo anatrehanareo

izany Teny izany,” dia voatery hanao an’io Teny io hiseho Andriamanitra.

¹⁰³ Mitsangana eto isika izao hariva izao ary milaza, fa, “Jesosy Kristy no tsy miová omaly, anio, ary mandrakizay.” Voatery Andriamanitra hanaporofo fa izany no izy, satria Ny Teniny Izany. Ankehitriny, inona no ataony? Ilay izy dia mila finoana, amin’ny finoana an’Izany. Mila finoana, amin’ny finoana Ny Teniny, fa Izany no Fahamarinana.

¹⁰⁴ Mariho hoe inona no niseho rehefa nitondra an’ireo zanaka nivoaka i Mosesy, sy ireo rehetra izay nanaraka azy. Ireo izay tsy nanaraka dia nijanona tany Egypta. Fa ireo izay nanaraka an’i Mosesy, rehefa nivoaka avy tao amin’ny Ranomasina Mena izy ireo ka nuditra tao amin’ny an-efitra, dia nidina teo ambonin’ny Tendrombohitra Sinay Andriamanitra. Nandrehitra an’ilay tendrombohitra manontolo io Andry Afo io, ary nisy Feo iray nivoaka avy tao, ka nanome an’ireo didy folo Andriamanitra.

¹⁰⁵ Afaka nandeha teo anatrehan’ny olona i Mosesy, ka nanao hoe, “Amin’ity andro ity ny Soratra izay noteneniko taminareo, amin’ny maha-Mpaminaniny, amin’ity andro ity no miseho. Efa niteny taminareo aho fa nihaona tamiko Andriamanitra, ary tao anatin’ny roimemy mirehitra anankiray tany, tao anatin’ny Andry Afo iray, ary Izy no nilaza an’izao hoe, ‘Izaho dia . . . Ho famantarana iray izao. Hitondra ny olona hiverina eto amin’ity toerana eto ity mihitsy indray ianao.’ Ary io Andriamanitra, ao anatin’ilay Andry Afo iray ihany izay nolazaiko taminareo fa tao Izy, mihantona mihitsy eo ambonin’ny tendrombohitra. Amin’ity andro ity no tanteraka izany faminaniana izany. Eto Izy hanamarina fa ireo zavatra izay nolazaiko dia ny Fahamarinana.”

¹⁰⁶ Andriamanitra anie hanome antsika lehilahy betsaka tahaka an’izany, izay mahitsy fo sy tso-po, ary hiteny ny Fahamarinana, mba hahafahan’Andriamanitra Tsitoha manamarina fa mbola Fahamarinana foana Ny Teniny! Izy dia mijanona ho tsy miová omaly, ary mandrakariva. Nahoana Izy no tsy hanao an’izany? Nampanantena Izy fa hanao an’izany.

¹⁰⁷ Mety nilaza tahaka an’izany i Josoa, tamin’ny andro niverenany tany Kadesy-barnea, izay nivahinianan’izy ireo hatreto amin’ny an-efitra. Nisalasala ny amin’ny tany ho karazan’ilay tany izay nolazain’Andriamanitra fa haha-izy azy izy ireo. Fa Andriamanitra no niteny tamin’izy ireo hoe tany tsara iray izany, tondra-dronono sy tantely. Ary Josoa sy Kaleba irery ihany no anankiroa izay nino an’izany, tamin’ireo folo hafa izay nandeha. Rehefa niverina izy ireo, dia nanana ny porofo; nanana andiana voaloboka iray izay lehilahy matanjaka anankiroa ihany vao afaka mitondra azy.

¹⁰⁸ Afaka nitsangana teo mihitsy i Josoa sy Kaleba ka nanao hoe, “Amin’ity andro ity no tanteraka izany Soratra izany. Indro ny

porofo fa tany tsara iray ilay izy.” Azo antoka. Nahoana? “Misy ny porofo fa tany tsara iray izy. Taiza ianareeo no nahita zavatra tahaka an’izany, tany Egypta? Tsy nisy toerana tahaka azy. Fa amin’ity andro ity no tanteraka izany Soratra izany.”

¹⁰⁹ Afaka nilaza an’ilay zavatra izy, iray ihany, rehefa naminany ka nilaza fa hirodانا ireo rindrini’i Jeriko rehefaavy manodidina impito izy ireo, fito andro, impito amin’ny andro iray. Ary rehefa nanodidina izy ireo tamin’ny fotoana farany, dia nirodana ireo rindrina. Afaka nitsangana i Josoa ka nanao hoe, “Amin’ity andro ity, ilay Lohan’ny Kapitenin’ny tafiky ny Tompo izay niteny tamiko herinandro maro lasa izay fa tahaka an’izao no hitrangany, amin’ity andro ity no tanteraka izany Soratra izany.” Nandry teo ireo rindrina, fisaka teo amin’ny tany. “Avia, ndao isika haka azy. Antsika izany. Amin’ity andro ity no tanteraka izany Soratra izany.”

¹¹⁰ Mahafinaritra toy ny ahoana, ireo lehilahin’Andriamanitra izay nanohana an’ireo zavatra izay marina!

¹¹¹ Isiraely, teo amin’ilay renirano, rehefa nahazo ny tany izy ireo, dia niampita. Ahoana no hanaovan’izy ireo azy? Ny volana Aprily izany. Tonga ireo tondra-drano satria mitsonika ny orampanala, tany Jodia. Oh, toy ny inona no nitovian’Andriamanitra tamin’ny jeneraly tsy mahay iray, nitondra ny Vahoakany teo, tamin’ny volana Aprily, nefo Jordana tany dia avo noho izay hany naha-izy azy. Matetika . . .

¹¹² Mety afaka hijanona eto aho, raha nanana fotoana, mba hanome hevitra kely iray ho anareo fotsiny. Matetika dia mety mipetraka eo ianareo miaraka amin’ny homamiadana, na mety mipetraka ianareo miaraka amin’ny aretina iray; mieritreritra ianareo hoe, “Nahoana, izaho, izay Kristiana iray, no ao amin’izao toerana izao? Nahoana aho no nipetraka tahaka an’izao, raha Kristiana iray” Matetika Andriamanitra no mamela an’ireo zavatra ho tena maizina ka tsy ahafahanareo mijery ambony, manodidina, na aiza na aiza, fa tonga Izy avy eo ka manao lalana iray amin’ny alalan’izany ho anareo, mba hahafahanareo milaza hoe, “Amin’ity andro ity no eo am-pahatanterahana izany Soratra izany, izay Nampanantenainy hatao.”

¹¹³ Navelany handeha avy hatrany tao anatin’ny lafaoro afo ireo zanaka Hebreo. Hoy izy ireo hoe, “Mahay manafaka anay avy ao amin’io afo ao anaty lafaoro io ny Andriamanitray. Fa, na ahoana na ahoana, dia tsy hiondrika eo amin’ny sarinao izahay.” Rehefa nivoaka avy tao izy ireo, ny fofon’ny lafaoro teo amin’izy ireo . . . tsy nisy fofon-dafaoro, raha ny marina, teo amin’izy ireo; afaka nilaza izy ireo hoe, “Amin’ity andro ity no tanteraka izany Soratra izany.”

¹¹⁴ Rehefa avy tao amin’ny lavaky ny liona i Daniela, dia afaka nilaza an’ilay zavatra iray ihany izy.

¹¹⁵ Jaona Mpanao-batisa. Taorian'ny efajato taona an'ny fampianarana ara-pivavahana, tsy mahagaga raha tao anatin'ny loto iray io fiangonana io tamin'izany fotoana izany! Rehefa niseho tany an-efitra izy, ilay Jordana, dia afaka nitsangana teo amin'ilay morona mihitsy, tahaka ny nataony, ka nanao hoe, "Amin'ity andro ity izany Soratra izany, Isaia 40, no tanteraka."

¹¹⁶ Toy ny ahoana no ahafahako hijanona eto ka hiteny aminareo an'izay nolazain'io pretra antitra io tamiko! Hoy izy, "Anaka, tsy vitanao mihitsy io Hafatra io."

Hoy aho hoe, "Mipetraha tsara."

Hoy izy hoe, "Ny tianao lazaina ve dia hoe tsy mahita an'izany mihitsy ireo Pentekotista ireo?"

Hoy aho hoe, "Tsia."

¹¹⁷ Hoy izy hoe, "Hitako ilay izy." Nefa pretra Katolika iray, ihany koa! Ah-hah. Hoy izy hoe, "Nahoana ianao no tsy nanoxy?"

Hoy aho hoe, "Mipetraha tsara."

Hoy izy hoe, "Voninahitra ho an'Andriamanitra! Hitako ilay izy."

¹¹⁸ Ary saiky tamin'io fotoana io dia nilatsaka teo amin'ny anabaviny ny Fanahy Masina, izay nipetraka tao amin'ilay favoriana. Ary nitsangana izy, niteny tamin'ny fiteny tsy fantatra, ary nanome ny dikan'ilay tena zavatra izay noresahako sy ilay pretra, teo amin'ny lampihazo. Ny fiangonana manontolo, ny toerana manontolo, dia niditra tao amin'ny fihorahana iray. Nitohy hatrany amin'ny favorian'i Oral Roberts tamin'ny herinandro farany, na ny herinandro talohan'ny farany, ary lasa resaka tao amin'ilay favoriana. Ahoana fa io pretra io... Nipetraka teo ambanin'ny Fanahy Masina, nanambara tamin'ny alàlan'ny vehivavy iray tany, mino aho fa anabaviny ilay izy, izay niseho tany teo amin'ny lampihazo, ary nanambara an'io zavatra izay nafeninay io.

¹¹⁹ Ny ora izay iainantsika, amin'ity andro ity no tanteraka izany Soratra izany. Amin'ity andro ity no tonga ireo Hazavan'ny hariva, nefo diso amin'ny fahitana an'Izany isika. Mariho.

¹²⁰ Hoy i Jaona hoe, "Amin'ity andro ity dia izaho 'ilay feon'ny iray izay miantsao any an-efitra,' araka ny nolazain'Isaia mpaminany. Amboary ny lâlan'ny Tompo!"

¹²¹ Tsy azon'izy ireo izany. Hoy izy ireo, "Oh, ianao no Jesosy... ianao no—ianaو no Kristy," raha ny marina.

¹²² Hoy izy hoe, "Tsy izaho no Kristy." Hoy izy hoe, "Tsy mendrika ny hamaha ny Kirarony aho. Fa," hoy izy hoe, "mitsangana eo anivonareo Izy, any ho any," satria nanana antoka izy fa hoe eo Izy. Ho eo Izy amin'ny androny,

satria Andriamanitra no niteny taminy fa izy no tsy maintsy hampiditra ny Mesia.

¹²³ Nandalo teo ny Lehilahy tanora iray indray andro, ary nahita toy ny Hazavana anankiray izy teo Amboniny, famantarana iray. Dia niantsoantsy mafy izy hoe, “Indro ny Zanak’ondrin’Andriamanitra! Amin’ity andro ity no tanteraka eo anatrehanareo izany Soratra izany.” Azo antoka.

¹²⁴ Tamin’ny Andron’ny Pentekosta, toy ny ahoana no njoroan’i Petera tany ka nanononanay ny Soratr’izy ireo, an’i Joela 2:38. Nefa, nihomehy izy rehetra ireo, ireo vahoaka ireo. Tsy afaka niresaka tamin’ny fiteniny manokana izy ireo. Niboredidredika zavatra hafa izy ireo. Hoy ny Baiboly hoe, “Lela nizarazara.” Ny *Nizarazara* dia lela iray “nisaratsaraka”, tsy milaza na inona na inona, miboredidredika fotsiny. Nihazakazaka nanodidina tahaka ny andian’olona mamo iray!

¹²⁵ Hoy izy rehetra hoe, “Eny, mamo ireo olona ireo. Jereo izy ireo, jereo hoe ahoana no ataony, ahoana ireo vehivavy sy lehilahy ireo. Manakorontana izy ireo,” hoy ilay vondrona mpivavaka an’io andro io.

¹²⁶ Nitsangana teo afovoan’izy ireo i Petera, nanao hoe, “Ry lehilahy sy rahalahy, ianareo izay monina eto Jerosalema, ary ianareo izay monina eto Jodia, aoka ho fantatrareo fa tsy mamo ireo, araka ny fiheveranareo, satria vao ora fahatelon’ny andro izao. Fa izao no nampitenenina ny mpaminanay Joela hoe, ‘Izao no hiseho amin’ny andro farany, handatsaka Ny Fanahiko amin’ny nofo rehetra Aho.’ Amin’ity andro ity no tanteraka izany Soratra izany.” Izany tokoa.

¹²⁷ Tonga ara-potoana i Luther. Tonga ara-potoana i Wesley. Tonga ara-potoana ny Pentekosta. Tsy misy na inona na inona ivelan’ny lamina.

¹²⁸ Ankehitriny mangataka aminareo aho handinika tsara an’ilay taona sy fotoana izay iainantsika ankehitriny, miaraka amin’ny Teny nampanantenaina ho an’izao andro izao. Raha tany amin’ny taona hafa tany aoriana, no afaka nilaza ireo lehilahy hoe, “amin’ity andro ity izany Soratra izany,” “amin’ity andro ity izany Soratra izany,” inona àry ny amin’ny Soratra ho an’ity andro ity? Inona no nampanantenaina ho an’ity andro ity? Aiza isika no mijoro? Ora inona no iainantsika; nefy ny famantaranandro dia manondro, ilay famantaranandro siantifika, amin’ny misasakalina latsaka telo minitra? Azontahotra izao tontolo izao. Ao anatin’ny fandrian’ny fahalòvana ny fiangonana. Tsy misy olona mahafantatra hoe aiza izy ireo no mijoro. Ora fahafirin’ny andro izao? Ahoana ny amin’ny Soratra ho an’ity andro ity? Ireo toeran’ny fiangonana, na, ireo toeran’ny fiangonana amin’izao andro izao!

¹²⁹ Eto amin’izao tontolo izao, ireo politika, ny rafitra antsika maneran-tany, dia lò fotsiny arak’izay maha-izy azy. Tsy

politisiana aho. Kristiana aho. Fa, tsy manan-draharaha hiresaka mikasika ny politika aho, saingy te-hilaza fotsiny hoe lò izy ireo eo amin'ny lafiny roa.

¹³⁰ Indray mandeha aho no nandatsa-bato, ho an'i Kristy izany; tsy maintsy mandresy aho. Nandatsa-bato nanohitra ahys ny devoly, fa Kristy nandatsa-bato ho ahy; izany dia miankina amin'ny hoe iza no andatsahako ny vatoko. Faly aho fa alatsako ao Aminy izany; avelao izao tontolo izao hilaza izay tian'izy ireo lazaina. Mbola mino foana aho fa Izzy no tsy miova omaly, anio, ary mandrakizay. Izzy no hanaporofa an'izany. Hanaporofa tokoa Izzy. Izany tokoa.

Ny fitombon'ny heloka be vava, ditran-jatovo!

¹³¹ Jereo ny firenentsika, voninkazon'ny tany fahiny. Ny demokrasiantsika malaza dia natao tany aoriana tany tao amin'ny—tao amin'ny...tamin'ny fanambarana ny fahaleovantena. Ary voasonia ny fanambarana ny fahaleovantena, dia nanana demokrasia iray isika. Ary ireo razambentsika, sy ireo zavatra izay nataony; nanana firenena iray nalaza isika.

¹³² Fa eo an-dàlam-pahalòvana izy ankehitriny, sy mitresaka, sy mihozongozona, ary mirodana. Dia miezaka mampandoa hetra ny olona, mba hahazo vola halefa any lavitra any, mba hividianana fiombonana amin'ireo fahavalony; ary averin'izy ireo eo amin'ny tavantsika izany. Ady lehibe voalohany, ady lehibe faharoa, ary mbola mandeha mankany amin'ny fahatelo. Izany tokoa. Lò ireo politika, simba, lò hatrany ambany. Izany marina tokoa no nolazain'ny Matio 24 fa hisy hoe, "Hisy firenena hanohitra firenena, fanjakana hanohitra fanjakana." Hiseho ireo zavatra rehetra ireo. Ndao isika handinika tsara an'izany ankehitriny. Eny àry.

¹³³ Mariho ny iray hafa, ny fitomboana ao amin'ny fikarohana siantifika. Ankehitriny, indray mandeha, iray fotsiny... Nandeha njery ny renibeko ny raibeko, tao anatin'ny saretin'omby iray. Ankehitriny dia fiaramanidina haingampandeha izany, na zana-bolana iray eny amin'ny habakabaka mihitsy aza, any amin'ny faritra tsy taka-maso. Ny lehibeny... Ahoana, iza no nilaza an'izany? Daniela 12:4, nanao hoe, "Hitombo ny fahalalana amin'ny andro farany." Hitantsika ny ora izay iainantsika. Mariho ankehitriny ireo—ireo toeran'izao tontolo izao, ny toeran'ny siansa.

¹³⁴ Ary mariho indray, amin'izao andro izao, ny rafipampianarantsika. Ankehitriny aza miezaka mandà an'izany. Manana an'ireo gazety voahety aho, mampianatra fananahana ao amin'ireo fiang-...ao amin'ireo sekolintsika, an'ireo mpianatra tanora mba hifanao firaisana ara-nofo, mba hahitana raha afaka mivady izy ireo eto amin'izao tontolo izao. Eny, tompoko.

¹³⁵ Ahoana ny amin'ireo asam-pisoronantsika? Manana singany iray avy tamin'ny gazety aho izao hariva izao. Any Los Angeles any, California, izay misy andiana mpitondra fivavahana iray, Batista sy Presbyterana, mpitoriteny, nampiditra lehilahy manambady lehilahy ary manao firaisansa lahy samy lahy, milaza fa niezaka izy ireo ny hahazo azy ireny ho an'Andriamanitra. Nefa, izany no iray amin'ireo ozon'ilay ora, Sodomita iray! Ary ny lalàna mihitsy aza no nisambotra azy ireo.

¹³⁶ Aiza no misy antsika ankehitriny? Lò eo ambanintsika ny rafitra antsika manontolo. Hitako fa ny fitomboana eo amin'ny lehilahy manambady lehilahy manerana ny Etazonia dia nitombo roapolo na telopolo isan-jato tamin'ny taona lasa. Eritrero izany, lehilahy miara-miaina amin'ny lehilahy, tena tahaka ny nataon'izy ireo tany Sodoma marina tokoa.

¹³⁷ Fitomboana ao amin'ny heloka be vava, ditran-jatovo! Ora inona no iainantsika? Amin'ity andro ity no tanteraka izany Tenin'ny faminaniana izany.

¹³⁸ Ilay izao tontolo izao mpivavaka, ny fiangonana izy tenany, ny fiangonana, ilay fiangonana nantsoina hivoaka, izay antsointsika hoe ny fiangonana nantsoina hivoaka, ilay taom-piangonana farany, ny taom-piangonana Pentekotista, aiza no misy azy? Ao amin'ny Laodikia izy, araka ny nolazain'ny Soratra.

¹³⁹ Navelan'izy ireo nilatsaka ireo sakana amin'izao andro izao. Mitafy tapaka ireo vehivavin'izy ireo. Ireo lehilahiny dia... Zavatra iray mahatsiravina izany. Nanambady intelo na inefatra ny sasany amin'izy ireo, eo amin'ny filan-kevitry ny diakona, sy ny zavatra hafa rehetra. Navelan'izy ireo nilatsaka, ary nampiditra fahasimbàna, satria nametraka filan-kevitra izy ireo ary naka toerana niaraka tamin'izao tontolo izao.

¹⁴⁰ Ary, amin'izao andro izao, manana tranobe tsara kokoa izy ireo, izay hany nananany. Toerana anankiray, ny iray amin'izy ireo dia eo am-panorenana toera-malalaka iray dimampolo tapitrisa dolara, dimampolo tapitrisa dolara. Pentekotista! Tany amin'ny zoron-dàlana izany fahiny, dimy amby roapolo taona lasa izay, nively amponga iray. Hoy izy ireo, "Izahay..."

¹⁴¹ Satria, ny Soratra no nilaza, ao amin'ny Apokalypsy 3, fa ianao dia "Manan-karena," hoy ianao, 'Izaho dia manan-karena. Mipetraka ho mpanjakavavy aho. Tsy mila na inona na inona aho.' Nefa tsy fantatrao fa ianao no ory, mahantara, malahelo, mitanjaka, jamba, nefo tsy fantatrao izany!"

¹⁴² Amin'ity andro ity no tanteraka eo imasonareo izany Soratra izany. Amena! Ny Amena dia midika hoe "ho tanteraka anie izany." Tsy manao amena amin'ny tenako aho, fa ny tiako ho lazaina dia mino aho fa Izany no Fahamarinana. Amin'ity andro ity no tanteraka izany Soratra izany.

¹⁴³ Ao anatin'ny toeran'i Laodikia ny fiangonana Pentekotista. Oh, mbola mitsambikina sy mihorakoraka foana izy ireo, ary manao hadalana rehefa mandeha ny mozika. Rehefa mijanona ny mozika, na ilay mozika bitinika izay tendren'ny sasany amin'izy ireo ka mintso an'izany ho Kristianisma, ka na oviana na oviana no hijanonan'izany, dia lasa ny voninahitra rehetra. Hia.

¹⁴⁴ Raha tena fiderana an'Andriamanitra iray izany, dia tsy misy kiririoka sy habetsahana—habetsahan-kery eto amin'izao tontolo izao hampijanona azy. Rehefa avy amin'Andriamanitra marina tokoa izany, dia tsy mila mozika ho tendrena. Mila ny Fanahin'Andriamanitra hidina eo amboniny izany. Izany no manao an'ilay izy.

¹⁴⁵ Ary efa ela no nanadino'in'izy ireo an'Izany, satria nanakilasy ny fanomezan'ny Fanahy Masina izy ireo hoe, "ny fitenenana amin'ny fiteny tsy fantatra no porofo voalohany." Ary efa nandre an'ireo devoly sy mpamosavy niteny tamin'ny fiteny tsy fantatra aho.

¹⁴⁶ Ny Fanahy Masina dia ny Tenin'Andriamanitra ao anatinareo, izay manondro ny Tenany amin'ny fanekena an'io Teny io. Ny any ankoatran'izany, dia tsy mety ho ny Fanahy Masina. Raha milaza izy fa izany no Fanahy Masina, nefä mändä Teny iray an'ity Baiboly ity, dia tsy mety ho ny Fanahy Masina izany. Izany no porofo raha mino ianareo na tsia.

¹⁴⁷ Mariho ny famantaranana lehibe hafa iray. Ao amin'ny tanindrazany ireo Jiosy; ny fireneny manokana, ny volany manokana, mambra iray an'ny Firenena Mikambana. Manana ny tafiny manokana izy ireo. Manana ny zavatra rehetra izy ireo. Ao amin'ny tanindrazany izy ireo; fa, hoy Jesosy hoe, "Mianara ny fanoharana ny amin'ny aviavy." Ao izy ireo, niverina avy hatrany ao amin'ny fireneny. Amin'ity andro ity no tanteraka izany Soratra izany, ireo Jiosy ao amin'ny tanindrazany.

¹⁴⁸ Amin'ity andro ity no tanteraka izany Soratra izany, ilay Taonan'ny Fiangonana Laodikia.

¹⁴⁹ Amin'ity andro ity izany Soratra izany, Matio 24, no tanteraka. Ao anatin'ny fahasimbana iray izao tontolo izao, ny zavatra manontolo; firenena manohitra firenena, ireo horohorontany any amin'ny toerana samihafa, ireo tadio mahery midina, manozongozona an'ireo firenena, sy ny sisa, ireo loza lehibe hatraiza hatraiza. Amin'ity andro ity no tanteraka izany Soratra izany.

¹⁵⁰ Hitantsika ankehitriny ny toeran'izao tontolo izao. Hitantsika hoe aiza ilay fiangonana tsotra, tsotra...Rafipandaminana, anaram-piangonana, hitantsika hoe aiza no misy azy ireo. Hitantsika hoe aiza no misy an'ireo firenena. Ary hitantsika fa amin'ity andro ity no tanteraka ireo teny fikasana ireo.

¹⁵¹ Ankehitriny, ao amin'ity andro ity no tsy maintsy tonga ny Taranaka Mpanjaka ambony iray, an'i Abrahama. Izany marina tokoa no haha-izy Azy, ho Ampakarina Mpanjaka iray ho an'ilay Zanaka Mpanjaka, nampanantenaina. Araka ny noteneniko omaly hariva, tsy ho taranaka iray ara-nofo izany, fa ho Taranaka iray ara-panahy. Tsy maintsy hisy Ampakarina ara-panahy iray hitsangana, izay ho Taranaka Mpanjaka iray an'ny Finoana mpanjakan'ny Zanaka Mpanjakan'i Abrahama. Tsy maintsy tonga eo amin'ny sehatra Izy amin'ny andro farany, ary ny fotoana sy ny toerana no teny fikasana iray izay nomena Azy.

¹⁵² Araka ny Malakia 4, Soratra iray, dia tsy maintsy hipoitra ny Hafatra anankiray izay hanozongozona ny fon'ny olona hiverina indray amin'ireo ray apostolika. Tsy maintsy hisy anankiray hipoitra eo amin'ny sehatra, amin'ny herin'i Elia, izany no hipoitra eo amin'ny sehatra; lehilahin'ny an-efitra iray izay hivoaka, ary hanana Hafatra iray izay hamerina indray avy hatrany eo amin'ny Teny. Izany ilay ora izay iainantsika.

¹⁵³ Noho izany, diniho tsara ankehitriny, manontany anareo aho amin'ity ora ity, ianareo olon'i Jeffersonville eto. Tamin'ny 1933, ilay Hazavana ivelan'ny voajanahary izay nilatsaka tany amin'ilay renirano, ilay andro izay nanaovako batisa dimanjato tamin'ny Anaran'i Jesosy Kristy, raha mbola zazalahy iray roapolo taona. Inona no nolazain'Izany, ry Jeffersonville? Inona Izany teo ambanin'ny Spring Street, rehefa ny *Courier Journal*, mino aho fa ny *Louisville Herald* ilay izy, no namoaka ny lahatsoratra ny Aminy? Nampitain'ny Associated Press mihitsy Izany, hatrany Canada. Dokotera Lee Vayle no nanety azy avy tao amin'ilay gazety, tany Canada tany, tamin'ny 1933.

¹⁵⁴ Rehefa nanao batisa ny oloko fahafito ambin'ny folo aho, teo ambanin'io Vavolombelona io; ary fantatrareo ny ambin'ilay tantara. Ary rehefa nitsangana aho tany, nanao batisa an'ilay olona fahafito ambin'ny folo, dia nidina avy tany An-danitra ny Hazavana iray, namirapiratra teo ambony teo, tahaka ny Kintana iray nilatsaka avy tany An-danitra. Nisy Feo iray nanao hoe, "Tahaka ny nanirahana an'i Jaona Mpanao-batisa hialoha lâlana ny fihavian'i Kristy voalohany, dia ny Hafatrao no hialoha lâlana ny Fihaviany Faharoa, any amin'izao tontolo izao rehetra." Amin'ity andro ity no tanteraka izany Soratra izany.

¹⁵⁵ [Mifaly ny fiangonana—Mpand.] Amin'ity andro ity! [Mifaly mafy ny fiangonana ka midera an'Andriamanitra.] Andriamanitra no nampanantena an'izany. Inona no nitranga? Amin'ity andro ity dia nandeha nanodidina an'izao tontolo izao Izany.

¹⁵⁶ Ary rehefa nidina teo Andriamanitra ka nilaza an'izany, fony aho zazalahy kely iray, tao amin'ny roimemy nirehitra iray, na kirihitra iray tany, nampirehetin'ny Andry Afo iray, teto tao amin'ny toeran-dry Wathen teo ambonin'i Utica Pike; naka rano

tany, avy tao amin'io tranom-biby io nankany amin'ny alambika iray, fantatrareo ny fahamarinan'izany. Hoy Izy hoe, "Aza mifoka mihitsy, na misotro, na mandoto ny tenanao, fa misy asa iray hataonao rehefa lehibe ianao." Manamarina an'izany ho ny Fahamarinana aho, hoe hitako Izy. Ary Andriamanitra, tahaka ny Nataony tamin'i Mosesy, dia niteny teo anatrehan'ny fiangonana tany, ka nanao hoe, "Izany no Fahamarinana."

Amin'ity andro ity no tanteraka eto afovoantsika izany Soratra izany.

¹⁵⁷ Diniho izay Nolazainy mikasika ny famantarana, ary ho toy ny ahoana izany; avy tamin'ny fametrahan-tànana teo amin'izy ireo, nankany amin'ny fahafantarana ny tsiambaratelon'ny fo. Amin'ity andro ity no tanteraka eo anatrehan'ny tena masontsika izany Soratra izany.

¹⁵⁸ Ireo teny fikasana izay natao ireo, mariho, ireo teny fikasana rehetra ireo dia efa nohamarinina ary notanterahan'ilay Andriamaniry ny teny fikasana. Jereo, mihantona any Washington, DC, izao hariva izao, ny sarin'ilay Anjelin'ny Tompo!

¹⁵⁹ Fa George J. Lacy, ilay lohan'ny mpanao fanadidihiana momba ny dian-tànana sy antontan-taratasy an'ny FBI ho an'ny governemantan'ny Etazonia, no nandinika an'izany tany Houston, Texas, ka nanao hoe, "Ity no Vatana ivelan'ny voajanahary tokana izay hany azo sary teto amin'izao tontolo rehetra izao." Tokony ho nahafantatra izy; izy no tsara indrindra izay misy eto amin'izao tontolo izao, ho an'izany.

¹⁶⁰ Mariho, any Izany no mihantona, ho ny Fahamarinana, ilay Andry Afo iray ihany izay nitarika ny Isiraely tany an-efitra tany. Mitarika Izy amin'izao andro izao, ilay karazana Hafatra iray ihany, hoe, "Mivoaha avy ao Egypta!"...?...Amin'ity andro ity no tanteraka izany Soratra izany. Fantatrareo ny Hafatra izay Nolazainy.

¹⁶¹ Jereo ilay fahitana tany Tucson, telo taona lasa izay, rehefa nitsangana teo amin'ilay lâlankely aho teto. Fa, dimy taona talohan'io, dia hoy Izy hoe, "Amin'ny andro izay anatsatohan'ny tanàna tsato-kazo iray eo anoloan'io vavahady io, dia avereno mankany Andrefana ny tenanao." Ireo olon'ny tabernaklako izay eto, dia mahafantatra an'io tolo-...tamin'io—tamin'io fotoana io. Marina izany.

¹⁶² Ary tamin'ny andro izay naha-tany an'Atoa. Goynes sy izy ireo, ka nanatsatoka an'io tsato-kazo io, dia nilaza tamin'ny vadiko aho hoe, "Misy zavatra iray mikasika an'io."

Hoy izy hoe, "Inona izany?"

Dia niditra aho ary njery tao amin'ilay boky keliko. Tao ilay izy.

¹⁶³ Ary ny ampitso maraina, tamin'ny folo, nipetraka tany aho, ilay efitro tany, teo amin'ny folo teo, dia nidina ilay Anjelin'ny Tompo. Hoy Izzy hoe, "Mandehana mankany Tucson. Ho any avaratra atsinanan'i Tucson ianao, ary ho tonga ireo Anjely fito ao anatin'ny fehezana iray izay hanzongozona ny tany manontolo manodidina anao." Ary hoy Izzy, "Izany dia hotenenina aminao any."

¹⁶⁴ Firy no mahatsiaro an'izany, eto, talohan'ny nitrangany mihitsy? [Hoy ny fiangonana hoe, "Amena."—Mpand.] Misy an'ireo lehilahy izay mipetraka mihitsy ato amin'ity tranobe ity izao hariva izao, izay nitsangana tany mihitsy rehefa nitranga izany.

¹⁶⁵ Ary hoy Izzy, "Hosokafana ireo Tombokase Fito an'ireo zavamafina nafenina an'ny Baiboly manontolo, ary hanatanteraka ny Apokalypsy 10, hoe amin'ny Hafatry ny Anjely fahafito no hiseho ireo zavatra ireo." Amin'ity andro ity no tanteraka eo anatrehan'ny masontsika izany Soratra izany. Amin'ity andro ity no tanteraka izany Soratra izany.

¹⁶⁶ Tamin'ny taona lasa, nitsangana teo amin'ilay toerana iray ihany, izaho sy Atoa. Wood, niakatra teo amin'ilay havoana, tao anatin'ny karazan'alahelo, mikasika ny vadiny izay narary. Hoy ny Fanahy Masina hoe, "Makà vato iray mipetraka eo. Atsipazo eny amin'ny habakabaka izany. Rehefa midina izany, dia manaoa hoe, 'HOY NY TOMPO HOE, hisy fitsarana hamely ny tany.' Lazao azy fa hahita ny tànan'Andriamanitra izy, amin'ny ora vitsy manaraka."

¹⁶⁷ Niteny tamin'Atoa. Wood aho; manatrika eto izy izao hariva izao. Ary, ataoko, valo na folo amin'ireo lehilahy, na dimy ambin'ny folo, no tany tamin'io fotoana izay nisehoan'izany io; ny ampitso maraina, rehefa nidina tao anatin'ny tadio iray ny Tompo ka nandrava an'ilay tendrombohitra nanodidina anay, sy nanapaka ny tampon'ireo tendron-kazo, ka nanao fipoahana telo, dia nanao hoe, "Mandeha mankany amin'ny Morontsiraka Andrefana ny fitsarana."

¹⁶⁸ Roa andro taorian'izany, dia saiky nilentika tany ambanin'ny tany i Alaska. Ary hatramin'io fotoana io, ny tany ambony-sy-ambanin'ilay Morontsiraka, ireo fivoahan'ny fitsaran'Andriamanitra nanohitra an'io lamba ara-panahy io. Misy ny lamban'efitra vy iray, misy ny lamban'efitra bararata iray, ary misy ny lamban'efitra ny ota iray.

¹⁶⁹ Nandeha niaraka tamin'ny masoandro ny fandrosoana; toy izany koa ny Filazantsara. Avy tany atsinanana izy ireo ary nandeha nankany andrefana, tahaka ny alehan'ny masoandro. Ary eo amin'ny Morontsiraka Andrefana Izzy ankehitriny. Tsy afaka handeha lavitra intsony Izzy; raha mandeha lavitra Izzy, dia hiverina any atsinanana indray Izzy.

¹⁷⁰ Hoy ny mpaminany hoe, “Hisy andro iray izay tsy azo antsoina hoe alina na andro,” andro manjombona iray, orana sy zavona betsaka, ampy ahafantarana fotsiny hoe ahoana no hikambanana amin’ny fiangonana iray na hametrahana ny anaranareo eo amin’ny boky iray. “Fa hisy Hazavana amin’ny andro hariva.” Amin’ity andro ity no tanteraka izany Soratra izany.

¹⁷¹ Ilay iray ihany—ilay m-a-s-o-a-n-d-r-o [s-u-n] iray ihany izay mipoaska any atsinanana no ilay m-a-s-o-a-n-d-r-o [s-u-n] iray ihany izay milentika any andrefana. Ary ilay Z-a-n-a-k-a [S-o-n] iray ihany an’Andriamanitra izay tonga tany atsinanana ka nanamarina ny Tenany ho Andriamanitra voaseho tao anatin’ny nofo, no ilay Z-a-n-a-k-a [S-o-n] iray ihany an’Andriamanitra eto amin’ny lafin-tany andrefana, izay manondro ny Tenany eo anivon’ny fiangonana amin’izao hariva izao, ilay tsy miova omaly, anio, ary mandrakizay. Tonga ny Hazavan’ny harivan’ny Zanaka. Amin’ity andro ity no tanteraka eo anatrehantsika izany Soratra izany.

¹⁷² Aiza no misy antsika ao amin’ity taona Abrahamika ity? Aiza isika ao amin’izao fotoana lehibe izay ijoroantsika izao, ilay ora lehibe izay iainantsika? Efa tanteraka ireo fahitana rehetra.

¹⁷³ Ahoana rehefa ny sakaizanay mpitoriteny kely eto, fiangonana rahavavy mpiara-miasa, Junior Jackson, no nihazakazaka nanatona anay indray hariva, tany aho. Hoy izy, “Izaho dia nanana ny—nynofy iray, Rahalahy Branham, izay manelingelina ahy. Nahita ny rahalahy rehetra niangona teo ambonin’ny havoana iray aho.” Ary hoy izy, “Teo ambonin’io havoana io, dia nampianatra anay ny amin’ireo litera izay voasoratra ianao, toy ny hoe, tao amin’ireo litera sasany izay nataon’ny fotoana sokitra tao amin’ny vatolampy. Rehefa vitanao izany, vita izany rehetra izany, dia niteny taminay ianao, nanao hoe, ‘Manakaikeza,’ ka niangona teo ambony teo izahay rehetra.”

¹⁷⁴ Hoy izy, “Nanakatra tany ho any ianao ary, toy ny hoe, naka tahaka ny lapiaka iray ary nikapoka mafy ny tampon’io pyramida kely io hisokatra. Ary, rehefa izany,” hoy izy, “vato granita tsy nisy soratra no teo amin’izany. Ary niteny taminay ianao mba ‘hijery ny teo amboniny.’ Ary ianareo rehetra... Nanomboka njery izahay rehetra.” Hoy izy, “Nahodiko ny lohako, ka voamariko fa nandeha nankany andrefana ianao, mafy arak’izay vitanao, nankany amin’ny filentehan’ny masoandro.” Firy no mahatsiaro an’izany? [Hoy ny fiangonana hoe, ‘Amena.’—Mpand.]

¹⁷⁵ Ary nitsangana kely teo aho mandra-panambaran’ny Fanahy Masina an’izany. Hoy aho hoe, “Ny Baiboly manontolo, na betsakaaza no efa voambara tamin’ny olona, tamin’ny alàlan’ny fanamarinana, fanamasinana, ny batisan’ny Fanahy Masina, ny

batisa amin'ny Anaran'i Jesosy, ary ireo zavatra rehetra ireo, dia efa voambara; fa misy ireo tsiambaratelo izay mafina ao anatiny, satria voaisy tombokase amin'ny Tombokase Fito ny Baiboly. Tsy maintsy mandeha any aho hahita an'izany."

¹⁷⁶ Tamin'io maraina io rehefa nidina ireo Anjely fito ireo ka nanapoaka ny tany, dia nanidina tany amin'ny toerana rehetra ireo vato, ary nitsangana teo ireo Anjely fito ka nanao hoe, "Miverena any Jeffersonville, izay nihavianao, fa nosokafana ireo Tombokase Fito an'ireo zava-mafina fito."

¹⁷⁷ Eto isika izao, amin'izao andro izao, mahazo ny *Taranaky ny Menarana*. Afaka andro vitsivitsy, raha sitrak'Andriamanitra, dia ho azontsika ny fahamarinan'ny *Fanambadiana Sy Fisarahanam-panambadiana*. Ary ireo zavatra rehetra izay nosokafan'Andriamanitra ireo, ny Tombokase rehetra, ireo zava-mafina hatrany amin'ny fanorenana an'izao tontolo izao. Ary tao anatin'ny fifaliana isika, ny *Fanatrehan'*ireo Fitahiany! Marina izany. Amin'ity andro ity, izany Soratra izany!

¹⁷⁸ Ny *Life* magazina dia namoaka lahatsoratra iray ny amin'izany hoe, "Faribolana mahagaga an'ny Hazavana mandeha eny amin'ny habakabaka eo ambonin'i Tucson sy Phoenix," amin'ny fomba iray ihany izay noteneniko taminareeo saiky herintaona talohan'ny nitrangan'izany, ho toy ny ahoana ilay izy, ary tahaka ny telozoro iray. Mihantona any amin'ny fiangonana any ilay sary. Manana azy ianareo izay naka an'io magazina io. Teo izany, marina tokoa. Hoy izy ireo hoe, "Izany dia fito amby roapolo maily ny hahavony ary telopolo maily ny velarany." Tsy mbola azon'izy ireo foana izay nitranga. Izany dia niseho tamin'ny alàlan'ny zava-mafina ary lasa tamin'ny alàlan'ny zava-mafina.

¹⁷⁹ Rahalahy Fred Sothmann, Rahalahy Gene Norman ary izaho, no nitsangana tany. Ny telo dia vavolombelona iray. Tahaka ny Nitondrany teo an-tampon'ilay tendrombohitra; Petera, Jakoba, ary Jaona, mba hijoro vavolombelona. Nitsangana tany izahay ary nandinika an'izany rehefa nitranga ilay izy, ary nahita azy vita.

¹⁸⁰ Io Izy, miabantona eo amin'ny lanitra; tena lavitra, tsy misy hamandoana, tsy misy entona na inona na inona hanao ny—ny zavona iray. Ahoana no nahatonga azy ireo tany? Izany no Anjelin'Andriamanitra niverina indray, taorian'ny Hafatr'izy ireo. Amin'ity andro ity no efa tanteraka eto afovoantsika io faminaniana io. Amin'ity andro ity no efa tanteraka izany Soratra izany.

¹⁸¹ Diniho, efa nosokafana ireo Tombokase Fito. Mankany amin'ny Morontsiraka Andrefana ilay tadio. Ankehitriny, aza diso an'izany, tahaka ny nataon'izy ireo tany aoriana tany.

¹⁸² Ankehitriny, ny fifantohantsika, akaiky kely kokoa amin'ny androntsika. Inona no lazain'ny Soratra mikasika an'izao andro

izao, ary mikasika ny fotoana izay iainantsika? Jesosy no miteny... Tsy hanana fotoana hakana azy rehetra ireo aho, fa tiako ny haka an'ity anankiray ity alohan'ny hamaranantsika.

¹⁸³ Jesosy no nilaza, ao amin'ny Masindahy Lioka ny toko faha-17, ny andininy faha-30. Jesosy Kristy, ilay Teny Izzy tenany! Mino an'izany ve ianareo? [Hoy ny fiangonana hoe, "Amena."—Mpand.] Jesosy Kristy, ilay Teny Izzy tenany, tonga nofo, no niteny ka nilaza hoe ho inona ny Teny amin'ny andro farany, ho inona ny famantarana ny faran'izao tontolo izao. Noteneniny tamin'izy ireo fa hisy firenena hitsangana hanohitra firenena, saingy hoy Izzy hoe, "Tahaka ny tamin'ny andron'i Sodoma, dia ho toy izany koa amin'ny andro izay hanambarana ny Zanak'olona."

¹⁸⁴ Ankehitriny, rehefa tonga teto an-tany Jesosy, dia tonga tamin'ny anaran'ny Zanaka telo Izzy. Zanak'olona, izay mpaminany iray; Zanak'Andriamanitra; ary Zanak'i Davida.

¹⁸⁵ Ankehitriny, niaina teto an-tany Izzy. Tsy nilaza mihitsy Izzy hoe Izzy no Zanak'Andriamanitra. Hoy Izzy hoe, "Izaho no Zanak'olona." Jehovah Izzy tenany dia niantso an'i Ezekiela sy ireo mpaminany hoe, "Zanak'olona." Satria, tsy maintsy tonga hanatanteraka ny Soratra tahaka ny mpaminany iray Izzy. Hoy i Mosesy hoe, "Ny Tompo Andriamanitraiseo dia hanangana Mpaminany iray tahaka ahy." Izany no antony tsy Nahafahany ho Zanak'Andriamanitra teo, satria Izzy no Zanak'olona. Izzy... "Ny Teny dia tonga tamin'ireo mpaminany." Ary Izzy no Teny tao amin'ny Fahafenoany. Zanak'olona, ilay-ilay mpaminany lehibe... Tsy ilay mpaminany lehibe, fa ilay Andriamanitra-Mpaminany, "Tao Aminy ny fahafenoan'ny Maha-Andriamanitra ara-batana." Noho izany, Izzy no Zanak'olona.

¹⁸⁶ Ankehitriny, nandritry ny roa arivo taona, dia nampahafantarina tamintsika ho Zanak'Andriamanitra Izzy, Fanahy.

¹⁸⁷ Ary ao amin'ny Arivo taona, dia ho Zanak'i Davida Izzy, eo ambonin'ny Seza fiandrianana. Mahafantatra an'izany isika rehetra, izay mino ny Soratra.

¹⁸⁸ Ankehitriny, Jesosy no nilaza, eo amin'ny fiafarant'ity taom-piangonana izay iainantsika ity, hoe, "Ho voambara indray amin'ny fomba iray ihany izay naha-izy azy ny Zanak'olona, tahaka azy tany Sodoma."

¹⁸⁹ Diniho hoe ahoana, ara-tantara, no Nanomezany an'izany. Hoy Izzy hoe, "Tahaka ny tamin'ny andro," voalohany, "an'i Noa, ahoana fa nihinana izy ireo, nisotro, nanambady, namoaka hanambady." Avy eo Nentiny, ny manaraka, ilay farany, teo amin'ny Zanak'olona, tany Sodoma. Satria, nifanaraka tamin'ireo Jiosy Izzy teo; eto, ao Sodoma, dia mifanaraka amin'ireo Jentilisa Izzy. Teo, dia Nalentiny tamin'ny alàlan'ny

rano izy rehetra, tao amin'ny fitsarana; eto, ao amin'ireo Jentilisa, dia Nodorany izy rehetra tamin'ny andron'i Sodoma. Marina izany. May teo ilay izao tontolo izao Jentilisa, "ary ho toy izany koa rehefa voambara ny Zanak'olona." Tsy rano intsony izany, fa ho afó amin'io fotoana io. Namaky avy tao amin'ny Genesisy 23 iray ihany izay novakiantsika Jesosy, rehefa namaky mikasika an'i Sodoma Izy.

¹⁹⁰ Ankehitriny, manaiky an'ireo toerana izay notenenina isika, ny amin'ny toeran'izao tontolo izao an'i Sodoma, ireo Sodomita, toeran'i Sodoma. Isika, ny tsirairay, dia hanao "amena" amin'izany. Mino an'izany isika. Eny àry.

¹⁹¹ Ary ny toerana ara-panahy an'i Laodikia, ilay fiangonana ara-nofo, dia hanao "amena" amin'izany isika, ary hanaiky an'ireo famantarany. Fantatsika fa eo ny famantarana rehetra. Ao anatin'i Laodikia ilay fiangonana. Fantatsika izany. [Hoy ny fiangonana hoe, "Amena."—Mpand.]

¹⁹² Fantatsika fa ao amin'ny toeran'ny Sodoma iray izao tontolo izao. Marina ve izany? [Hoy ny fiangonana hoe, "Amena."—Mpand.] Hanaiky an'izany isika.

¹⁹³ Fa ahoana ny amin'ny famantaran'i Abrahama, ilay anankiray izay niandry an'ilay zanaka nampanantenaina? Anankiray hafa izany.

¹⁹⁴ Tsarovy, nanana Sodoma iray izy ireo tany; nanana ny irany izy ireo. Ary nanana Iraka iray ho azy i Abrahama.

¹⁹⁵ Niandry i Abrahama, andro sy andro, ny, zavatra iray saiky tsy azo atao mba hitranga. "Saraha, sivifolo taona, ary izy zato taona." Araka ny teny fikasan'Andriamanitra, dia mbola niandry foana izy. Teo afovoan'ny tsikera rehetra, dia niandry an'io zanaka io izy.

¹⁹⁶ Toy izany koa no mbola iandrasan'ny mpino marina an'io Zanaka io hiverina! Mariho, talohan'ny nahatongavan'ilay zanaka mihitsy, dia nisy famantarana iray nomena azy. Tsy tokony ho voambara amin'ny Taranaka mpanjaka an'i Abrahama izay miandry an'ilay Zanaka Mpanjaka ve ny famantaran'ilay Zanaka izay ho avy, tahaka azy tamin'i Abrahama ray ho an'ilay zanaka ara-nofo? [Hoy ny fiangonana hoe, "Amena."—Mpand.] Marina ve izany? ["Amena."] Jesosy no niteny an'izany, eto amin'ny Masindahy Lioka 17:30 hoe, "Alohan'ny ahatongavan'izany fotoana izany, dia, ho voambara ny Zanak'olona tahaka ny Nataony tamin'ny andron'i Sodoma, talohan'ny fandravana an'i Sodoma." Ankehitriny miandry famantarana iray isika.

¹⁹⁷ Ndao alaintsika ankehitriny ireo toeran'ny fotoana tahaka azy tao Sodoma. Mariho, lasa tao anatin'ny Sodomita izy rehetra, izao tontolo izao.

¹⁹⁸ Heveriko fa ny anankiray tamin'ireo talen'ny sarimihetsika no nikarakara sary iray, vao tsy ela akory izay, ary nandeha njery an'ilay izy aho, izany dia, *Sodoma*. Raha sendra mijery azy ianareo ka tsy misy na inona na inona hafa afa-tsy izany, dia mandehana jereo ilay izy. Tena sary tsara iray an'i Etazonia amin'izao andro izao tokoa izany, Hollywood, marina tokoa; karazana akanjo iray ihany sy ny zavatra hafa rehetra izay nataon'izy ireo mihitsy tamin'izany; lanonam-pisotroana goavana sy ny zavatra hafa rehetra, fombam-pivavahan'olona mpivavaka, mody antsoina hoe mpivavaka.

¹⁹⁹ Mariho, fa nanana vavolobelona iray i *Sodoma*, ary izany dia lehilahy iray amin'ny anarana hoe Lota, izay zanadrahalahin'i—i Abrahama fotsiny.

²⁰⁰ Ankehitriny, tsy nidina tany *Sodoma* i Abrahama, izy sy ny vondrony. Nanana vondrona goavana iray izy niaraka taminy, ampy handresy mpanjaka roa ambin'ny folo sy ireo tafiny. Noho izany, nanana vondrona goavana iray izy niaraka taminy. Ary nipetraka teo ambanin'ny hazo ôka iray izy, indray andro, rehefa tsy nety ny zavatra rehetra ho azy; tsy nisy olona nanao na inona na inona taminy, saingy mbola nihazona teo amin'io teny fikasana io foana izy.

Ankehitriny diniho, tsara, alohan'ny hamaranantsika.

²⁰¹ Raha mbola nipetraka teo izy, dia tonga ny lehilahy telo, nanatona azy. Nandeha nankany *Sodoma* ny roa tamin'izy ireo ary nitoky ny Filazantsara tamin'izy ireo, mba hivoahany, teo amin'i Lota. Marina ve izany? [Hoy ny fiangonana hoe, "Amena."—Mpand.] Fa nijanona niaraka tamin'i Abrahama ny Anankiray. Mariho, ilay Anankiray izay nijanona niaraka tamin'i Abrahama dia Andriamanitra Izy tenany. Ireo roa hafa kosa Anjely iraka.

²⁰² Ankehitriny, tany *Sodoma*, dia tsy nanao fahagagana izy ireo, fa nanajamba azy ireo fotsiny. Ary manajamba azy ireo foana ny fitoriana ny Filazantsara.

²⁰³ Ankehitriny jereo ny fipetrak'io andro io. Misy fiangonana ara-nofo iray. Isan'andro dia ao amin'ny telo, araka ny nolazaiko omaly hariva, no anehoana an'Andriamanitra. Nisy ireo Sodomita; ireo Lotita; ary ireo Abrahamita. Ao amin'ilay toerana iray ihany izany izao hariva izao, mipetraka tahaka an'izany mihitsy izao tontolo izao.

²⁰⁴ Mamelà ahy hanontany zavatra iray aminareo. Jereo io fipetraka io ankehitriny. Niantso an'io Lehilahy izay niresaka taminy io i Abrahama hoe, "Elohim." Ny teny Hebrew *Elohima* dia midiaka hoe "ilay Anankiray ampy tanteraka, ilay Anankiray izay Hany Mandrakizay," Elohim, Andriamanitra Izy tenany!

²⁰⁵ Tamin'ny voalohany, Genesisy 1, dia nanao hoe, "Tamin'ny voalohany Andriamanitra . . ." Raiso ny teny Hebrew eo, na koa,

ny teny Grika, raha ny marina, “Tamin’ny voalohany *Elohim* dia namorona ny lanitra sy ny tany.”

²⁰⁶ Eto, Izzy, ao amin’ny Genesisy, saiky ny 22 eto, milaza indray Izzy, na-na saiky ny 20, nilaza Izzy, ary niantso ny anaran’io Lehilahy io izy hoe “*Elohim*.” Nahoana izy no nanao an’izany? Andriamanitra, voaseho tao amin’nynofon’olombelona iray, izay nipetraka niaraka tamin’i Abrahama ary nihinana mofo nisy henan-janak’omby, nisotro ronono, ary nihinana mofo iray. Andriamanitra Izzy tenany, ary nanjavona mihitsy teo anatrehan’i Abrahama.

²⁰⁷ Fa nanome azy famantarana iray Izzy. Mariho. Ary io famantarana io dia Izzy izay nanatodika ny Lamosiny tany amin’ilay tranolay.

²⁰⁸ Ary tsarovy, Abrahama, ny anarany dia *Abrama* andro vitsy talohan’io, ary Saraha dia *Saray* talohan’io; S-a-r-a-y avy eo S-a-r-a-h-a, ary A-b-r-a-m-a ho A-b-r-a-h-a-m-a. *Abrahama* dia midika hoe “rain’ny firenena.”

²⁰⁹ Ankehitriny dihiho tsara mihitsy eto, dia ho hitantsika ilay fipetraky ny ora izay iainantsika ankehitriny, satria Jesosy no niteny tamintsika mba hijery an’io fipetraka io. Efa hitantsika fa marina ny sisa rehetra tamin’izany; ndao isika ankehitriny hijery an’ilay Taranaka mpanjaka, hoe fipetraka inona no natao ho hitan’izy ireo.

²¹⁰ Ankehitriny hoy io Lehilahy io hoe, “Abrahama, aiza ny vadinao, Saraha?”

Dia hoy Abrahama hoe, “Ao anatin’ny tranolay izy, Aorianao.”

²¹¹ Ankehitriny, tsy mbola nahita azy mihitsy Izzy. Ahoana no Nahafantarany fa *Abrahama* ny anarany? Ahoana no Nahafantarany fa S-a-r-a-h-a ny anarany? “Abrahama, aiza ny vadinao, Saraha?”

Hoy izy, “Ao anatin’ny tranolay izy, Aorianao.”

²¹² Hoy Izzy hoe, “Izaho . . .” “Izaho,” mpisolo tena iray. “Izaho dia hamangy anao araka ny teny fikasana. Hahazo an’io zaza io ny vadinao. Natoky Ahy ianao, ankehitriny dia hanao an’izany hiseho Aho.”

²¹³ Ary Saraha, tao anatin’ny tranolay, taoriane, nihaino antokosoko na nanongilan-tsofina, izay iantsoanareo azy, nihaino avy tao amin’ilay tranolay, dia nihomehy anakampo, ka hoy izy hoe, “Ankehitriny, izaho, vehivavy antitra iray tahaka ahy ve, dia manana fahafinaretana miaraka amin’ny tompoko; ary izy antitra, ihany koa, zato taona iray ao ivelany ao? Nefo, tsy nitranga izany nandritry ny taona, taona maro.”

²¹⁴ Ary ilay Lehilahy, L-e-h-i-l-a-h-y, dia nipetraka teo nihinana, tao amin’nynofon’olombelona, nisotro ary nihinana tahaka ny lehilahy tsotra iray; niaraka tamin’ny vovoka teo

amin'ny Akanjony, ary nisy vovoka teo amin'ny Tongony, ka nosasan'i Abrahama izany. Andriamanitra, Izzy tenany, njery nanodidina, ka hoy Izzy hoe, "Nahoana no nihomehy i Saraha, ao ambadiky ny tranolay ao, teo am-pilazana an'izao?" Nahafantatra Izzy, afaka namantatra an'ireo eritreritr'i Saraha tao anatin'ilay tranolay, Taoriany. Marina ve izany? [Hoy ny fiangonana hoe, "Amena."—Mpand.]

²¹⁵ Ankehitriny, rehefa tonga teto an-tany ilay Taranaka Mpanjakan'i Abrahama, dia famantarana inona no Nasehony, Zanak'olona. Nanatona Azy i Simona indray andro; Andrea no nitondra azy. Hoy Izzy hoe, "Simona ny anaranao. Ianao dia zanak'i Jonasy," hoy Izzy. Hitanareo, nanao azy ho mpino iray izany.

²¹⁶ Lasa i Filipo ka naka an'i Natanaela; niverina, nanao hoe, "Avia, jereo ny Lehilahy iray Izay efa—efa hitanay; Jesosy avy any Nazareta, zanak'i Josefa."

²¹⁷ Hoy izy hoe, "Ankehitriny andraso iray minitra. Mety hisy zavatra tsara ve avy ao amin'io fanatisma io?"

Hoy izy hoe, "Avia, jereo."

²¹⁸ Noho izany rehefa tonga teo amin'ny Fanatrehan'i Jesosy i Filipo, niaraka tamin'i Natanaela, dia njery azy Jesosy ka nanao hoe, "Indro ny Isiraelita iray izay tsy misy fitaka ao aminy."

Hoy izy hoe, "Raby, oviana no Nahafantaranao ahy?"

²¹⁹ Hoy Izzy, "Talohan'ny niantsoan'i Filipo anao, rehefa teo ambanin'ny hazo ianao, dia efa nahita anao Aho."

²²⁰ Hoy izy hoe, "Raby, Ianao no Zanak'Andriamanitra. Ianao no Mpanjakan'ny Isiraely!"

²²¹ Rehefa ilay vehivavy kely teo amin'ny fantsakana, tao amin'ny toerany tsy mendrika, no tonga, teo amin'ny zavatra kely iray malalaka tahaka an'izao, mba haka rano. Naniraka an'ireo Mpianany Jesosy, mba hividy sakafy. Rehefa tonga izy mba haka rano, dia hoy Izzy hoe, "Itondray hosotroina Aho, ry vehivavy."

²²² Hoy izy hoe, "Tsy araka ny fanao ho Anao ny milaza an'izany. Manana fanavakavahana isika eto. Ankehitriny, tsy misy idiranareo Jiosy aminay Samaritana; tsy misy idiranay aminareo."

²²³ Hoy Izzy hoe, "Saingy, ry vehivavy, raha fantatrao hoe Iza no iresahanao, dia ianao no hangataka Amiko hosotroina. Izaho no hanome anao rano izay tsy handehananao halaina eto."

²²⁴ Hitany hoe taiza ny toerany, inona ilay izy. Hoy Izzy hoe, "Mandehana alaivo ny vadinao dia tongava eto."

Hoy izy hoe, "Tsy manam-bady aho."

²²⁵ Hoy Izy hoe, “Nilaza ny fahamarinana ianao. Efa nanana dimy ianao, ary ilay anankiray izay iarahanao miaina dia tsy anao.”

²²⁶ Hoy izy hoe, “Tompoko, hitako izao fa mpaminany iray Ianao. Fantatray fa rehefa tonga ny Mesia dia Izy no haneho aminay an'ireo zavatra ireo.”

Hoy Jesosy hoe, “Izaho no Izy.”

²²⁷ Teo amin’io, dia nihazakazaka nankany an-tanàna izy ka nanao hoe, “Avia, jereo ny Lehilahy iray Izay niteny tamiko an'ireo zavatra izay nataoko. Tsy izao ve no tena Mesia?”

²²⁸ Diniho, Nataony teo anatrehan'ireo Jiosy izany, sy ireo Samaritana, fa tsy ireo Jentilisa mihitsy. Ireo Jentilisa, isika olona, dia mpanompo sampy tamin'ireo andro ireo, ireo firenena hafa, nitondra langilangy iray tao an-damosintsika, nanompo sampy. Tsy niandry ny Mesia mihitsy isika.

²²⁹ Miseho eo amin'ireo izay miandry Azy fotsiny Izy, ary natao hiandry Azy isika.

²³⁰ Fa ireo izay mihambo ho miandry Azy, ilay fiangonana izy tenany, rehefa nahita an'izany vita izy ireo, dia hoy izy ireo hoe, “Devoly iray Izy. Mpanao hatsarana iray Izy, Belzeboba iray!”

²³¹ Dia hoy Jesosy hoe, “Havela aminareo izany fahotana izany,” satria tsy mbola maty Izy. “Fa,” hoy Izy, “ho tonga ny Fanahy Masina indray andro any ka hanao an'ilay zavatra iray ihany, ary ny miteny teny anankiray manohitra an'Izany dia tsy ho avela mihitsy.” Izao andro izao izany, izay tsy maintsy hifamatoran’ny Teny rehetra miaraka. “Miteny teny iray manohitra an'Izany; tsy ho avela mihitsy amin’izao fiaianana izao na amin’ny fiaianana ho avy.”

²³² Izany ilay Taranaka Mpanjakan’i Abrahama. Ary eto io Taranaka Mpanjakan’i Abrahama io, izay tonga noho io fanondroana an’io Lehilahy nipetraka niaraka tamin’i Abrahama teo io, dia tonga mba hanaporofa fa ilay Andriamanitra iray ihany izany, izay mampantanena amin’izao andro izao hoe, “Tahaka ny tamin’ny andron’i Sodoma, dia ho toy izany koa amin’ny fihavian’ny Zanak’olona, rehefa manambara ny Tenany ho Zanak’olona Izy.” Amena. Amin’ity andro ity no tsy maintsy tanteraka izany Soratra izany.

²³³ Jereo ilay fipetraka izay misy antsika amin’izao andro izao. Jereo ilay fiangonana izay ny Zanak’Andriamanitra... Jereo ilay andro manjombona. Jereo ireo faminaniana rehetra. Ankehitriny, zavatra hafahafa iray, tokony ho efa tonga ireo mpitsidika antsika amin’izay fotoana izay, raha tsy maintsy ho tahaka ny tany Sodoma ilay fipetraka.

²³⁴ Nisy telo tamin’izy ireo tonga, lehilahy malaza telo nirahina avy tany An-danitra. Hanaiky an’izany isika. Telo tamin’izy ireo; ny Anankiray nijanona niaraka tamin’i Abrahama. Teo

izy rehetra no nanomboka, saingy ny Anankiray nijanona niaraka tamin'i Abrahama. Ny sisa tamin'izy ireo nandeha nankany Sodoma. Marina ve izany? [Hoy ny fiangonana hoe, "Amena."—Mpand.] Ary nanana anarana iray novaina i Abrahama, avy tamin'ny Abrama ho Abrahama. Marina ve? ["Amena."]

²³⁵ Ny tantara dia tsy manana na indray mandeha aza, ny fiangonan'izao tontolo izao, mba nanana evangelista iray nandeha tany aminy, niaraka tamin'ny anarana iray niafara tamin'ny h-a-m, hatramin'ity andro ity, Billy G-r-a-h-a-m. Marina ve izany? [Hoy ny fiangonana hoe, "Amena."—Mpand.] G-r-a-h-a-m, litera enina. A-b-r-a-h-a-m dia litera fito. Fa G-r-a-h-a-m dia litera enina, izay izao tontolo izao, olona. Hitanareo?

²³⁶ Jereo izay nandeha tany, amin'izao andro izao, dia ireo iraka avy any An-danitra ireo.

²³⁷ Misy lehilahy iray ve eto an-tany izay nanao ny fibebahana ho tena voatory mazava tahaka an'i Billy Graham? Efa nisy lehilahy iray ve izay efa nanana fiantraikany tamin'ny olona, tahaka an'i Billy Graham? Tsy mbola nisy mihitsy, manerantany, lehilahy iray. Oh, Billy Sunday, sy ny sisa, dia teto Etazonia, fa Billy Graham kosa dia fantatra manerana an'izao tontolo izao. Hitanareo ve hoe aiza izy no miantsos? Ao Sodoma.

²³⁸ Ary manana ny mpiara-dia aminy izy any miaraka amin'ilay fiangonana Pentekotista, Oral Roberts iray.

²³⁹ Fa ahoana ny amin'ilay vondrona Voafidy? Karazana famantarana inona no nataeo ho hitan'izy ireo? Inona no nataeo ho azon'izy ireo? Haleloia! "Hisy Hazavana amin'ny andro hariva." Amin'ity andro ity no tanteraka izany Soratra izany. [Mifaly ny fiangonana—Mpand.] Amin'ity andro ity no tanteraka ny teny fikasan'Andriamanitra. Fantatsika fa izany no Fahamarinana. Eto Izy izao hariva izao tahaka ny naha-izy Azy tamin'izany fotoana izany.

²⁴⁰ Ankehitriny, ny mitory an'izany, izay nolazaiko vao teo, raha mitory zavatra iray ianareo ka ny Fahamarinan'ny Filazantsara izany, amin'izay fotoana izay dia voatery hanamarina an'izany Andriamanitra. Marina ve izany? [Hoy ny fiangonana hoe, "Amena."—Mpand.] Ankehitriny, raha izany ilay izy, dia avelao ilay Andriamanitra izay nanoratra ny Teny, avelao ilay Andriamanitra izay nanao ny faminaniana, avelao ilay Andriamanitra izay Andriamaniry ny Teny, ho tonga ka hanaporofa mbola Izy no Andriamanitra.

²⁴¹ Tahaka an'i Elia niakatra teny an-tendrombohitra; nandinika, nandeha nandinika an'i Elia i Elisa, hoy izy hoe, "Mila anjaran-droa aho." Ary nilatsaka teo amin'i Elisa ilay kapôty izay teo amin'i Elia. Nidina izy, ary navalony roa ilay bodofootsy ka nokapohiny ilay renirano, ary nanao hoe, "Aiza ny

Andriamanitr'i Elia?" Ary ilay zavatra iray ihany izay nitranga ho an'i Elia, no nitranga ho an'i Elisa.

²⁴² Ary ilay Filazantsara iray ihany, ilay Hery iray ihany, ilay Zanak'olona iray ihany izay omaly, no anio, ary ho mandrakizay. Hebreo 13:8. Mino an'Izany ve ianareo? [Hoy ny fiangonana hoe, "Amena."—Mpand.] Noho izany, manontany anareo aho. Tsy mety ho Izzy aho, fa eto Izzy. ["Amena."] Mpitondra iray fotsiny ihany isika.

²⁴³ Ny sasany aminareo olona eo, izay marary sy ory, ka fantatrareo fa tsy mahafantatra anareo aho, avelao Andriamanitra ankehitriny... raha afaka hanetry ny tenako betsaka aho. Mivavaha ianareo ka mangataha amin'Andriamanitra.

²⁴⁴ Tsy mihevitra aho... Tsy misy karatra fangataham-bavaka iray ato amin'ny tranobe, sa tsy izany? Tsia, izaho tsy... Tsy nizara karatra fangataham-bavaka mihitsy izahay. Hanana fivoriam-bavaka isika any... na fanasitranana ny marary, any am-pianganana. Fa, mivavaha ianareo.

²⁴⁵ Ary fantatrareo fa vahiny tanteraka aminareo aho. Hitinanareo, ianareo no mahafantatra ahy, ry Jeffersonville! Tsy ny olona avy any Jeffersonville no tiako hanao an'izany. Ny olona avy any lavitra any ho any eto no ilaiko. Jereo raha mbola manambara foana Andriamanitra! Jereo raha mbola Izzy no tsy miova omaly, anio, ary mandrakizay!

²⁴⁶ Manaova tahaka an'izay nataon'ilay vehivavy kely. Nandalo Izzy, ary hoy izy hoe, "Mino an'io Lehilahy io aho." Nanana fitsiha-drà izy, ka hoy izy hoe, "Raha afaka hikasika ny sisin'ny Akanjony aho, dia mino aho fa ho salama." Marina ve izany?

²⁴⁷ Nohon'ny finoany, tamin'io andro io, dia tanteraka ny Soratra. "Namehy ny fon'ny torotoro fo Izzy, nanasitrana ny marary sy ny mandringa."

²⁴⁸ Rehefa nikasika ny Akanjony izy, ka nandeha sy nipetraka, dia nitodika Izzy ka nanao hoe, "Iza no nikasika Ahy?" Ahoana no tena Nahafantarany, tao anatin'io vahoaka be sesehena io, angamba in-telopolo amin'ny eto izao hariva izao, an'arivony amin'izy ireo? Ahoana no Nahafantarany an'izany? Hoy Izzy hoe, "Iza no nikasika Ahy?" Tsy nilaza an'izany mba entina hilazana fotsiny Izzy; nilaza an'izany Izzy satria marina ilay izy. Dia hoy Izzy hoe, "Iza no nikasika Ahy?" Ary njery nanodidina avy hatrany Izzy ka nahita an'ilay vehivavy kely, teo amin'izay nipetrahany na nitsanganany, izay toerana nisy azy, niteny taminy fa tapitra ny fitsiha-dràny.

²⁴⁹ Izany no Jesosy omaly. Izany no Izzy androany. Mino an'izany ve ianareo? [Hoy ny fiangonana hoe, "Amena."—Mpand.]

²⁵⁰ Tsy mahafantatra anao aho; Andriamanitra no mahafantatra. Fa tratry ny fanaintainana ao amin'ny tehezanao

ianao, manelingelina anao izany. Marina izany. Mipetraka eo ianao mivavaka mikasika an'izany. Vahiny aminao ve aho, ary samy vahiny isika? Mitsangàna, raha izany no izy. Tsy mahafantatra anao aho. Izany dia *io* lehilahy eto io mihitsy ery amin'ny zorony, io lehilahy tanora io. Tratry ny areti-tenda mafy koa ianao. Marina izany. Mivavaka mikasika an'izany ianao. Mikorontan-tsaina tanteraka mikasika zavatra iray ianao. Tsy maintsy handao ny fivoriana ianao satria, mpitoriteny iray, manana asa izay tsy maintsy karakarainao ianao. Marina izany. Ah-hah. Mino ve ianao fa mahafantatra Andriamanitra hoe iza ianao? Rev. Atoa. Smith, ankehitriny afaka mandeha ianao ka ho sitrana. Nanao anao ho salama Jesosy Kristy. Mandehana mankany amin'ny fivoriano; tsy hanelingelina anao ny tendanao.

Iza no nokasihany?

²⁵¹ Misy lehilahy iray mipetraka *eto* aoriana eto mihitsy; mijaly izy. Tratry ny fivontosana iray ao amin'ny avokavony havia izy. Izy dia tsy... Tsy avy eto izy. Efa mpiasan'ny toeram-pitrandrahana ianao. Marina izany. Vahiny tanteraka aminao aho. Raha marina izany, dia ahetsheho ny tànanao. Ao amin'ny avokavokao havia ilay fivontosana, ary tonga ho an'ny fandidiana iray avy hatrany ianao. Marina ve izany? Tsy avy eto ianao. Avy any ivelan'ny tanàna ianao. Avy any Virginia ianao. Marina izany. Mino ve ianao fa mahafantatra Andriamanitra hoe iza ianao? Atoa. Mitchell, marina izany, mandehana mody ary aoka ho tsara. Manao anao ho salama Jesosy Kristy. Anontanio ilay lehilahy! Tsy mbola nahita azy mihitsy aho, teo amin'ny fiainako. Nipetraka teo izy, nivavaka.

Amin'ity andro ity izany Soratra izany!

²⁵² [Manatodika ny lamosiny any amin'ny fiangonana Rahalahy Branham—Mpand.] Indro ny ramatoa iray mipetraka eto aoriana eto mihitsy, aoriako, tahaka an'i Saraha tao anatin'ilay tranolay. Mivavaka ho an'ny zanakavavy iray izy. Mitsangàna. Tsy eto ilay zanakavavy; any lavitra any izy, ilay zanakavavy. Ary ianao dia tahaka ny tamin'izany rehefa nanatona an'i Jesosy ny vehivavy iray, izay nanana vehivavy anankiray nampijalian'ny devoly iray tamin'ny fomba samihafa. Ilay vehivavy dia... zazavavy dia azon'ny demonia. Tsy eto izy. Izy dia avy any... Avy any Carolina Avaratra ianao. Mino an'izany ve ianao? Ary izany no fahamarinana, sa tsy izany? Rtoa. Orders, afaka mandeha mody ianao. Raha hino amin'ny fonao rehetra ianao, dia hahita ny zanakavavinao tahaka ny nahitana azy rehefa Jesosy Kristy tamin'ny andro lasa, no nilaza fa sitrana izy.

²⁵³ Amin'ity andro ity izany Soratra izany; ny famantaran'i Sodoma, ny famantaran'ilay Taranaka ambony, ny famantaran'ilay fiangonana ara-nofo! Amin'ity andro ity no

tanteraka eo afovoanareo izany Soratra izany. Mino an'izany ve ianareo? [Hoy ny fiangonana hoe, "Amena."—Mpand.]

²⁵⁴ Hanaiky Azy ho Mpamponjinareo sy mpanasitrana ve ianareo izao ankehitriny izao? Mitsangàna, ny tsirairay avy aminareo, manaovala hoe, "Manaiky ny fahasiranako aho. Manaiky Azy ho Mpamponjiko aho. Manaiky Azy ho Mpanjakako aho." Ny tsirairay avy mitsangàna.

Amin'ity andro ity! Henoy, ry sakaiza.

²⁵⁵ "Namaky ny Soratra Izzy, namerina ny Baiboly tany amin'ny mpisorona, ary," voalaza hoe, "nifantoka tany Aminy ny mason'ny olona rehetra. Dia njery azy ireo Izzy, ka nanao hoe, 'Amin'ity andro ity no tanteraka izany Soratra izany.'"

²⁵⁶ Namaky ny Soratra aho, niaraka tamin'ireo poroforo roa ambin'ny folo na mihoatra an'izay iainantsika amin'ny andro farany, ilay taranaka izay hahita ny fiverenan'i Jesosy Kristy eto an-tany. Ary milaza aminareo aho izao hariva izao, indray, fa amin'ity andro ity no tanteraka eo imasonareo izany Soratra izany.

²⁵⁷ Ianareo any Tucson, ianareo any California, ianareo any New York, eo amin'ireo fihainoana an-telefona, amin'ity andro ity no tanteraka eo imasonareo izany Soratra izany.

²⁵⁸ Ndao isika ho faly sy hiravoravo, fa antomotra ny Fampakaram-badin'ny Zanak'ondry, ary Ny Ampakariny...Ny Ampakariny dia efa nanao ny Tenany ho vonona.

²⁵⁹ Ndao isika hanangana ny tènantsika ka hanome Azy ny voninahitra, ianareo olona rehetra. Andriamanitra hitahy anareo. [Mitohy mifaly sy midera an'Andriamanitra ny fiangonana—Mpand.]



*AMIN'ITY ANDRO ITY NO TANTERAKA
IZANY SORATRA IZANY MAG65-0219*
(This Day This Scripture Is Fulfilled)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Zoma hariva, 19 Febroary 1965, tao amin'ny Parkview Junior High School ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org